



後村居士集卷第二十六

啟

謝業祕監舉陞陟

北山起隱方貽小草之譏東壁露章遂奉大蓬之薦驟蒙位置  
良愧空虛竊以清濁殊流仙凡異路時無郭泰孰堪登元禮之  
舟世有於陵乃可食伯夷之粟如某者自叨一命粗守四維每  
請陋巷菜羹之常絕無華屋玉食之夢頃公出牧值僕歸耕偶  
偶不入城非有鹿門龐公之高趣未嘗由徑庶幾澹臺子羽之  
遺風辱來公評見嘉微尚既來為於俗吏已自絕於勝流俟黃  
河一千年諒無人之知己隔弱水三萬里始有路以通僊豈謂

蓬萊雲氣之中猶記江湖渤海之上迹疎賓館名在薦書蓋人間千金之寶易求而閣下一字之衰難得吏民驚異士友傳夸茲蓋伏遇某官日烈寒霜嚴冰清藥苦僮許陽城之伏閣世必太平設令楊綰之當朝俗可一變凡經品題尤繫觀瞻某敢不仰止高標勉旃大節既招徠於此日獲附青雲僮畔去于異時有如白水

謝王侍郎舉所知

與人之壹為前古之美談舉爾所知本聖門之餘論俯循餘分仰愧盛心伏念某生而嗜書愚不解事無才長之著見有少作之流傳粵從脫干戈瘴癘以來已掃空章句文字之習瘦妻僵

稚子仆嗟井臼之長勤明主棄故人踈捨山林而馬徃未能決裂尚尔低回竊嘗佩豈弟君子之言不敢犯聚斂盜臣之戒猶以浮華之故動為禮法所讎咎在樵鬚罪當犁舌平生舊友至此著松康之書一時諸公鮮不畏劉與之臆曾謂十連之制閭尚憐二紀之登門取之於人棄之餘察之於衆惡之內聲銷響絕久矣濶踈心肯命肯通有茲奇特茲蓋伏遇某官三朝著哲一代名臣凡當世人材皆寶之如明珠拱璧矧平時賓客恐棄之如土梗弁髦片語寵嘉終身榮耀某敢不深藏篋笥永示雲來作公老門生於焉無憾為佛大弟子何以報恩

上鄭給事

飛龍夾日瞻翊戴之元功候蟲鳴秋故啁啾之小過遂使窮鄉  
之素士獲為聖世之全人欲剖危衷先橫感涕伏念某弓箕舊  
族鉛槧腐生鄉曲指以為杜門省事之人天下知其無病風妄  
罵之疾呻吟紙上類裘氏之遺音流落人間多子雲之少作中  
年以後一字亦無憂患侵凌精華消竭猶以虛名之傳布遂為  
好事者中傷實則詠桃乃曰含譏於燕麥偶然題檜遂云寓意  
於勢龍語播市朝命懸刀几幾置烏臺之對誰明奏卹之寃左  
右莫為之先容大夫皆言其可殺側聞鎖闥密啟廟堂謂六義  
之中豈不主文而譎諫三代之世至以正官而采詩况親逢舜  
臯賡載之辰奚忍用秦漢誹謗之律寢禍機於垂發望諛說而

不行向非有長者之言寧免入狂生之目事關國體義激懦流  
茲益伏遇某官學貫天人名垂宇宙甘盤舊學風雲慶會之方  
新姬公太平旦暮立談之可致推廣朝廷之忠厚保全士子之  
孤危某敢不掃去驕榮斂歸平實夕秀朝華之喻深悟昨非霜  
降水涸之餘庶覩晚節持茲報德或者無慚

謝程內翰舉所知

長官上印賦茅屋之歸來大尹露章借玉堂之潤色孤生易感  
一府皆驚竊以有社稷有人民孰可繼由求之後談文章談政  
事難乎方歐蔡之前自非達才成德之流曷稱宗工鉅儒之選  
如某者讀書甚少閱理未多少慕晉人幾以清談而廢事晚為



漢吏稍於世務以經心當彼要衝試其迂濶每欲任牧芻之責  
不敢求彘銳之名然而素短實才徒持空意動煩剖決深慙使  
無訟之言尚費閹防未至不忍欺之地塵埃滿面筆硯絕交推  
謝有嘲和陶無句詎意北門之學士來為東道之主人喜魯山  
為予之歌發仲尼莞尔之笑關我田疇誨我子弟斯言或恐有  
之愛若父母畏若神明何德可以堪此而况以庸為平正以  
憤為精明以諛聞淺見為淹深以累句蕪辭為贍蔚姓名達  
于王相聲價重乎友朋夫何一介之微遂占四科之二登龍門  
為御快哉極士子之榮謂麟史無棄昧者疑春秋之過漁樵相  
賀里巷傳誇茲益伏遇某官力扶皇綱手揭文柄陸贄唐家之

內相尤有功再造之初嚴光漢祖之故人不肯作三公而去雖  
建雙旌而出牧未忘夾袋之儲材信先生之能言疑孺子之可  
教俾居末坐不待先容某揣分亡堪受恩罔極上封禪之書奏  
游獵之賦愧鄙拙之少文畊寬閑之野願優游而卒業釣寂寞  
之鄉

除潮倅謝丞相

服勞試邑甫從南畝之歸需次佐州俾便北堂之養頂踵悉蒙  
恩於吾相絲毫不假力於他人恭惟元台大布公道雖治邊防  
治水利並收一世之才然為忠臣為孝子各遂匹夫之志輒陳情  
而力請荷宰物之曲成伏念某海嶠寒生江淮薄宦興公建議

深疑大舉之非徐庶念親不勝方寸之亂因退食祝融之祿尋  
起從柱管之招遂離選坑祗有民社適居孔道寧免游士過客  
謗傷之談每見老農具言聖君賢相安靜之意屬者滿蔡丘之  
成法當掃光範之門顧內無萊妻中歲抱斷絃之痛矧上有陶  
母暮年須扇枕之人自憐薄命之屯隄發大鈞之間空函朝遠  
除日夕頌非大臣有哀窮悼屈之心則孤士無超資越格之理  
山川清淑想韓木之猶存驛路坦夷覺潘輿之可往族戚喜官  
期之近交遊夸廩入之優始慮楚人之亡弓俄報塞翁之得馬  
丘山施重草芥命輕茲益恭遇某官夾日元臣擎天老手處伊  
尹周公未嘗處之事力量有餘為趙普韓琦不能為之功聲色  
弗動廣搜羅於夾袋尤軫念於緋袍謂先人黍更化之都司而  
賤息亦翹材之末至因其懇請寵以便安某再世銜知三生圖  
報一藝者庸小善者錄豈不希大造之甄陶終養日短盡節日  
長尚可備異時之驅策

謝臺諫

服勞試邑偶進曠敗之誅需次佐州俯遂便安之請出命雖煩  
於廊廟感恩端在於門牆竊以富貴非力之可求命義終身之  
大戒由結纓參侍膝均有君親之心尊叱馭陽回車各行臣子  
之志甫丹枕之上達俄洪造之曲成伏念某忝出世家素無科  
第半生仕宦甘為俗吏之歸當世品題不在名流之目屬者冒

社稷人民之寄在舟車冠蓋之衝紛積毀之叢身猶羣矢之集  
的人方搖撼公獨保全諸豪覺烏府之主盟略無撓政當路因  
龍門之薦引相繼露章迫解而來歸復移書而稱獎勉之以佛  
祖出世之事告之以主相急才之秋豈不激昂庶幾遇合實以  
阿婆衰病詎堪白髮之倚門德曜淪亡未有青山而埋骨反哺  
之意既切陳情之詞亦哀朝奏空函夕頌除日向來韓木摩娑  
驚歲月之深他日潘輿往返無風濤之恐由言路推揚之有素  
故化鈞陶鑄而不疑施重丘山命輕絲髮茲益伏遇某官學傳  
本統識造幾微鉄面霜威扶綱常之大義金聲玉振續性命之  
微言雖當趨赴事功之時不廢維持名教之意因其有請許以

便私某百口銜恩三生圖報受髮膚身體固宜養志於暮年死  
城郭封疆尚欲移忠於異日

除仙都觀謝丞相

雜端論罪已寬饕餮之刑君相原情復賦支離之粟饑腸雷止  
感涕雨流伏念某頃緣宰邑之勞忝侍佐州之次忽遭重劾枚  
教平生凡流傳達耳目之司皆深切中肺肝之隱益鑄敗德忘父  
師典訓之言筆墨勸淫為名教罪人之首而又忽被風愆之戒  
麗於官墨之誅苟尔心之無瑕奚此言之至我初傳白簡慈親  
動餉鮮之疑還著青袍幼女泣佩魚之去惟列聖至仁而立國  
况大臣內恕以及人居常念孤危之蹤弗忍加疑似之戮昔斐



豹最為賤隸不忘力洗於丹書龜蒙自號散人殊匪名書於黃  
敕今也漸輕刑寺之籍撰備祠官之員公朝惻然無終身永棄  
之心天下知其有改過自新之路佩并包之大德懷若槩之深  
羞茲益伏過其官魏乎立伊周之功魁然有韓富之量謂風憲  
若雷霆之於物寧無擊搏之威而廟堂體天地以為心常主發  
生之德遂捐閑廩俾奉高堂其敢不銜戢陶鎔精勒香火祝南  
山之萬壽用此酬恩陳泰階之六符自傷無路

### 謝臺諫

抨彈罪大宜不齒于縉紳杖箠恩深俾棲心于香火驚魂返幹  
感涕沾襟伏念某甫脫字民蠟求丞郡惟不安愚分遂自速於

危機每平心誦擢髮之文無一字非切身之過父生師教下愚  
至老而不移詩癖酒狂二罪全時而俱發而又負渙：涉漆之  
謗有孽：為跖之疑殆喪心之使然雖噬臍而何及返書而却  
咄鮮慈親詰教令之違繞腰而覓銀魚痴女恠服章之異厥今  
變龍接武麟鳳來遊獨憐薄命之書生自錮此身於聖世敢圖  
當國尚許奉祠憫杜陵之瘦生恐曼倩之飢死一尊二簋本無  
厚饗之心十束三鍾預解絕糧之厄由門館嘗品題於一語故  
廟堂合毀譽而並觀茲益伏過其官歛蔽肅殺之霜威尊遠發  
生之陽德每力扶公議憂國家元氣之深謂求備一夫恐天下  
全人之少遂令瑕玷亦奉陶鎔其敢不稽首熏修苦心刻勵濯



清泉坐茂樹敢放逸以求安臨深淵履薄冰當戰兢而至死苟  
無檢思或可酬恩

除吉倅謝丞相

送窮無路遂至顛天起廢佐州且為擇地先生里巷恩出廟堂  
竊以薄命者書生之常樂育者大臣之責當杜韓兩公之相實  
曠古之罕逢然蘇尹二子之寃皆終身而莫雪若夫舊德未掩  
新獎已加細之於春育海涵之中收之於霜降水涸之後我公  
此舉前哲所難伏念某少也不羈長而無述侍察父哲兄之側  
非不漸濡慕善人君子之名亦思矯揉終以操修未至毀譽莫  
調身久落於江湖謗常喧於朝市賢者不與品量為浮薄之歸

文人相輕倚擴及語言之末凡此皆童蒙之過失積而為老大  
之悔尤屏窮巷者五期食叢祠者再考獨念吾君吾相未嘗求  
僻於一夫某水某丘詎忘志懷於斯世望翹材而稽首憑筮記  
以陳情負郭無田所仰給者代耕之祿小人有所宜見憐於孝  
治之朝然上公之機務至繁且下走之姓名難記敢圖英語曲  
軫沉淪嗟谷底之寒茲回筆端之春意昔投閑置散已行白簡  
之言今悔過知非復昇青氈之舊寵以治中之近次處之江右  
之名川捧除日以兢榮拊孤蹤而感涕茲蓋伏遇某官勛歲盟  
府澤被生民持國論如權衡之平愛人材無管蒯之棄並收髦  
俊皆有猷有守之倫尚恐逸道開使過使愚之路終慙玷缺倍

費陶鎔其敢不永戴洪私益堅素守仕澹菴誠齋之里所願服膺誦清渭南山之詩未忘回首

代上西山

簣土虧功懼吾山之中止辯香迴嚮冀彼岸之先登輒剖丹忱仰干清裁切謂賢能之才不次而舉豪傑之士無待猶興若乃夫尋常中庸之流鮮不蒙父兄家世之力坡仙之稱叔弼未忘六一之交山谷之譽少章亦以太虛之故何況我公之念舊過於前輩之用心妄布推轂之言庶中投機之會伏念某少也不力壯也無聞緒業失傳已負析薪之愧昔甘不繼因為捧檄之行交公車者四章書公簿者七考適逢大尹來撫舊邦覩陶公

運甍之風每思勒格慕清獻携琴之事愈自潔修雖無補於凝香頗盡心於叢棘久欲露曲成之禱恐自干躁進之誅然而萱堂年事之高光陰難玩金閨歲引之迫机括易差非敢與並游英俊而爭先庶幾以故人稱弟而見錄仲尼華袞儻無一字之過褒萊子斑衣將以何辭而歸白伏惟某官先朝遺直當世偉人其履負泰山北斗之名其出為靈芝醴泉之瑞畢公勤小物尤於民事以寬心武侯集衆思木以已長而矜物故雖蒙陋亦覲作成某齋後修詞怔營候命互鄉闕黨固嘗並進於聖門東里西華或者見衰於先友

代謝西山

夕呼五白恐不成盧朝奏一封特為合類寵綏攸速捧戴曷勝  
竊謂天下不能皆絕類離倫之材君子未嘗持求全責備之論  
穎蒙者可訓諸理本訥者乃近於仁高柴愚而游夫子之門杜  
微賸而為孔明之吏觀人物抑揚之際見聖賢權度之平於惟  
今公復彼古道伏念某幸因微宦獲事大賢砥礪雖勤莫發醯  
鷄之覆轡樹甚緩猶慚跛鱉之遲况膺門一世之共趨而儉府  
群才之所萃或從容於諷議或馳騫於事功自愧抱虛誰為借  
重追惟先子同持橐於禁中爰及伯兄素執經於席下豈能令  
公之喜怒不忍于汝而瑕疵謂其脩肘腋之使令久矣見肺肝  
之底蘊雖塵埃滿面詎堪置冰壺玉衡之傍然清白傳家決不

犯惡木盜泉之戒因垂成之機會假溢美之寵褒茲益伏遇某  
官忠貫神明志安社稷立身如嚴霜烈日之凜接物則光風霽  
月之和諸弟子皆及門共仰範模之妙一衆生未成佛必施津  
筏之功遂使寒蹤亦叨歲引某敢不深惟提獎益自奮强大而  
盡節於君親小則宣勞於民社礪亡落亡若行日月縱莫能展  
丈夫之雄戰亡競亡如臨淵永誓不敢畔先賢之訓

除將作監簿兼福建叅議謝西山

羅之幕下已慚羔鴈之特招寘彼周行詎意熊魚之兼得由薦  
語踰千鈞之重故除書超數級而陞恩大難耐人微弗稱竊以  
觀其為主右者格言問所從來士之大節持國就并州之辟專



以富公端叔為中山之游蓋依坡老豈泛蓮之云尔有擇木之  
義焉如某粵自童蒙獲親師匠每敬仰行己立朝之名節亦預  
聞著書講學之指歸富貴在天豈必覬覦於分外貧賤玉汝未  
嘗隕獲於胸中又無干于公之書頗有廣離騷之作屬者冰山  
凍解寒谷暖回際統府之初開念監州之遠役特達判公車之  
奏殷勤移光範之書致石與溫首述烏公之求士以連易播次  
言禹錫之有親其忠厚足以盡師友<sup>之</sup>情其誠摯足以動君相  
之聽疊茲二命賁此一寒然而髦士乃朝廷之清流元僚號幕  
府之高選聽鈞天之樂疑夢境之恍然泰劍外之謀覺晚塗之  
榮甚而况無簿書之叢委有祿米之優荐曩嗟弗給於一瓢茲

幸可容於三釜不圖今日遂獲補南陔之詩豈無他人未若作  
西山之客茲蓋伏遇某官循<sup>口</sup>而善誘休<sup>口</sup>而有容始終集大  
成固已備聖智之事參署至十反猶樂聞忠益之言宜得孝直  
幼宰之流俾居鄉生枚叟之右孰云上介誤采諸生取教過多  
受恩罔極登山置酒固難陪叔子之風流載筆勒石或可紀晉  
公之勲業

謝丞相

趣裝就道方趨君命之嚴有列於朝兼領軍諮之任恩歸廊廟  
喜動庭闈伏念某忝出故家嘗從薄宦少日妄希於節士中年  
遠避於弋人余處幽篁分此生之永棄焉得緩草聊暇日以忘



憂雖絕望於華塗猶死守於善道屬者冰山摧而杲日出沙堤  
藥而白星明交壁帛於道塗委弓旌於岩穴有盡歸之二老無  
難致之兩生病客夢回初聽鈞天之奏累臣魂斷忽有修門之  
招未呈身於政事之堂先策名於表著之地而况福甫壤接參  
佐祿優禹錫毋子可以俱行尚平婚嫁可以漸畢惟昔脫烏臺  
之禍盡出生成矧今辱黃閣之知不由介紹受恩罔極取數過  
多茲益伏遇某官獨秉國鈞載調化瑟樂克得政善人咸願其  
有為楊綰當朝天下云胡而不喜已並致臺萊之彥猶不遺管  
蒯之才某稽首鈞陶委身塊比成書無日空嗟太史之滯由懷  
贄有年終望周公之吐握

謝兩參政

君命有嚴方趣中都之後王官甚寵仍參外闈之謀喜動庭闈  
恩歸廊廟伏念某粗知理亂亦喜功名少嘗干世以希榮晚乃  
入山而被謗我辰安在原性命以自傷而月斯征惜歲年之將  
晚匪曰守匹夫之志庶幾固君子之窮比者杲日出而蒙氣收  
震雷奮而蟄戶啟首以鈞樞之柄屬之鴻碩之儒汎掃朝廷無  
苞苴之成市訪求岩穴有壁帛之載涂曾是沉淪亦煩記憶齒  
八士歸周之數招三閭去郢之魂未詢事而考言已即家而拜  
爵內贄工垂之職外參卻轂之謀長樂鼓鐘恍然初聽郾城棋  
柝老矣復聞遂反哺之私情享素餐之厚祿並收髦士固知國

論之至公驟得美官尚恐物情之未允茲益伏遇某官經綸業  
鉅輔贊功深進一賢人皆云裴相之薦引行一善政必曰萊公  
之建明已並育於菁莪猶不遺於葑菲某妾身陶冶稽首欽翹  
三釜及親所願伸孝子之志一飯報德安敢忘大臣之知

謝洪中書舉自代

訪梅東閣嘗陪庾嶺之游起草西垣忽有虞廷之遜惟公此舉  
非僕所堪竊以斯文之衰至於今日而極規以制扑類慚作者  
之風寂以薇花未識舍人之樣方天子屬綵綸於闈下而國人  
觀袞斧於筆端豈無宜為誥之才猥舉不能言之士伏念某少  
狂自喜晚悔莫追謗訾之言盈庭權貴之嗔如屋雪霜負以於

麥茂以何傷風雨凄凄獨雞鳴而不已偶際清明之始稍收留  
落之餘頃隨出塞之旌旗獲侍平山之樽俎慕顏淵之附驥寧  
不思齊歎老子之猶龍居然難企而况有累年之離索無一字

之干摩王陽在位貢禹彈冠雖賴故人之引類禪謀為命子產  
潤色詎容拙者之措詞謂嘗摘艷以薰香欲使運斤而代斲任  
章初上傳說皆驚太白眼高固已掃空於海內浩然肩聳若為  
携入於禁中徒感盛心恐孤精鑒茲益伏遇某官金聲而玉振  
地負而海涵扶綱常於寶慶之奏篇判忠佞於端平之諫紙修  
名姱節惟斗南之一人傑作雄文亦江東之獨步尚引扶於後  
進力吹送於明時而某學既荒蕪材尤衰落惟免平生之大節



妄希執事之餘風非復少年故實秀於未振庶幾他日知寒松  
之後凋

謝余中書舉自代籍

塞垣草檄嘗論管鮑之交禁掖演綸忽有夔龍之遜憐才至矣  
量已缺然共惟三字之除榮於一佛之出本朝有大詔令革新  
當世之觀瞻天子用老舍人一洗斯文之卑陋所謂當仁而不  
讓夫何有大而能謙擬非其倫或得以議伏念某粵從少日辱  
在下風邊地苦寒共被聽蕪城之柝江風甚惡聯鞍登瓜步之  
舟始欣鵬鷄之偶同俄歎龍豬之相遠我生白木鐸已為農圃  
之歸卽對紫薇花真有仙凡之隔况記室久疎於書札乃公車

忽上其姓名豈嘗就梓匠之規欲使代玉人之琢行人子羽東  
里子產仰詞令之獨工翰林主人子墨客鄉必才名之相埒乃  
若蹇蹄非汗血之駿宿瘤異捧心之妍雖欽濟之風實抱空  
空之愧茲蓋伏遇某官文根義理學沂本原謀國是事瞭若著  
龜愛人才過於珠璧謂拔茅而進適君子之道亨倪伐木不歌  
恐朋友之義缺因同袍之一念借華哀之片言而某舊聞既荒  
新意絕少立馬揮劄難希作者之餘風附驥顯名徒有平之生  
壯志

除宗簿謝丞相

奉親還里自棧烏哺之私被命造朝俾綴鸚行之末奔馳就列

俯仰懷慚竊以世道之消長不常人物之會通絕少范歐興慶  
曆之文治莫引用於聖俞馬呂致元祐之諸賢偶見遺於無已  
况如晚輩敢望前修伏念某學荒於嬉年運而往書無成而劍  
又去悼少日之狂圖道不修而文有名犯昔人之深忌頃懲飛  
語盡掃空言時於斷簡以研尋稍見高賢之旨趣爰令伯陳情  
之表流出胸中喜淵明歸去之詞寫諸座右豈圖晚暮忽際休  
明雖遣巫咸而下招其如太史之留滯猶著朝籍且參閭謀好  
事椰榆已有移文於逋客故人規祝願無圖利於大夫迨茲將  
慕之移亟有祠庭之請蓋鶴髮久相安於半菽而鷓巢上願借  
於一枝今乃念衡泌之棲進示朝廷之收拾谷鶯初出恍驚遷  
木之榮海燕暫來深認卷簾之意非上相適奮庸於廊廟則孤  
生必終老於山林茲蓋伏遇某官以帝者師為天下宰更聖化  
於膠柱不調之後還主柄於太阿倒持之餘進君子退小人  
每致巖禾莠之辨開誠心布公道亦不廢草茅之言遂使畸人  
忝陪髦士某受知至此圖報茫然雖資以事君粗識移忠之大  
義然不遑將母終希錫類之深仁

除玉局觀謝二相

背師罪大自速臺評錫類恩深尚叨祠廩進退兩闕於倫紀保  
全一出於陶鈞伏念某以常調之庸才際初元之景運招來未  
久位置稍高由光範進身非借助金張之比及延和賜對有交



懽平勃之言心迹甚明奏篇猶在然而從老師而偕出戀明主而獨留欲相送於南陽之阡繫維不果當退老於西河之上馳騫未休舊府因而起殺公之朝故交訝其乏死友之誼按陳卿之事百數子夏之罪三衆破胆而怖風霜之威獨披襟而受春秋之責晨收華組夕駕短轅署眉山翁之舊街返老萊子之初服行吟澤畔略無怨靈修之詞回首渭濱終有懷大臣之意茲蓋伏遇某官忠存王室心契上穹事有大疑汝則謀及庶人卿士人之彥聖容之保我子孫黎民當鳳麟畢呈祥瑞之時如鳧鴈豈繫少多之數始捐圭撮俾奉旨甘某敢不稽首歸恩銘膺悔過朱履而陪上客無復觀東閣之竒黃冠而還故鄉猶願祝

南箕之壽

除雲臺觀謝丞相

草茅觸諱凜若科條君相色荒賦之圭撮得非望及感與涕俱伏念某起佔畢之諸生陪欽翹之末至誦句百僚之上豈易逢哉為婦兩姑之間有難言者每欲潔身而去輒為造命所留愧非韓駒徐俯之倫將有米薇陸游之擬集賢堵墻之士莫不聳觀昭陽學舞之人居然相妬竟擠去國俄起典州舍朝市之喧啾就江湖之空曠豈謂甫磨新玷又坐宿愆屬火後之紛紜咎日前之狂瞽尔有猷告后徒懷野老之食芹臣不密失身願昧先賢之焚草昔董相洩奏篇而幾死京房漏對語而抵辜繩以

峻文戮猶輕典今乃端居故里守周燮之東崗賜號散人分陳  
搏之西華飢寒頓改危懼稍安向非元宰之陶鎔孰援孤生於  
塵粉茲蓋伏遇某官以周大老為漢宗臣隻手扶乾坤之傾確  
乎任重片語解雷霆之怒了不費辭遂使累臣尚叨冗秩然某  
身十年而三黜賜一日而九迴屢費保全自傷窮薄已分衡茅  
之下送老一生但於香火之間祝公千歲

謝諸府

狂瞽妄言鄰於刀鋸鈞樞密啟祿以斗升非出懇求但知恐懼  
伏念某芳菲歲晏閑廢日長楊雄有宅一區本退安於窮巷貢  
禹賣田百畝始能詣於公車羈旅入朝空踈奉對陋矣建明之

堯見温乎往復之玉音使善開陳奚憂齟齬徒以親逢聖主耻  
為鬼谷子之揣摩不揆賤臣冀有高寢即之感悟詎意奏篇之  
傳出遂為公議之追尤宜顯修於市朝僅免歸於田里真鄉食  
粥數月素拙治生曼倩奉粟一囊少寬飢死向非廟堂之援已  
先溝壑之填茲蓋伏遇某官以大公服人心以至仁壽國脉興  
念寒鄉之素士當陪翹館之下賓責以行中慮言中論迹若離  
於繩墨察其朝不坐燕不與氣未脫於草茅遂使孤危尚叨冗  
散然某身十年而三黜賜一日而九迴要領雖全面顏奚寄仄  
心駢邑無伯氏之一言稽首華山有封人之三祝

後村居士集卷第二十六

後村居士集卷第二十七

啟

廣東提舉謝李丞相

祝釐西華久從隱者之遊易節南州忽忝使乎之選先生原隰  
思出廟堂踰嶠以南去天尤遠先朝將指居多館學之流近歲  
擢才稍用米鹽之吏未覩研桑之新智先隳冰蘖之素風向非  
遇儒相之登庸何以拔書生而臨遣伏念某粗諳吏事亦畏官  
箴建上吏氏猶記縮縣章之日江西父老皆知解郡印之時頃  
遭柱後之彈文追咎榻前之對語荷睿明之洞照幸要領之獲  
全三載退藏貧賤返緼袍之舊一朝收棧姓名出夾帶之中深



惟邠翼之恩難辭欲以毫髮之勞自見既抵司存之始乃知責  
任之難顛客橫行增筴之符方急嶺民貴糴泛舟之後未休操  
切則失人心謬德則誤國事鴻私所被蚤負莫勝茲蓋伏遇某  
官德享天心功熙帝載內統百官而拱極外嚴十使之觀風謂  
昔者熙寧嘗處濞溪之老及後乎元祐必如子駿其人意其聞  
師說之緒餘或可希前修之萬一某敢不疚心求瘼洗手奉公  
使臣遠有光華既誤蒙於推擇丞相毋拘文法所願効於驅馳

通唐經畧

奄四封而賜履咸仰威稜踰五嶺以乘輶適依節制輒干六蠹  
冒贄一戕恭惟某官識極精微氣涵剛大太阿出匣孰能擬其

鋒鏑老栢參天傍略無於枝幹靡繇援手自簡上心頃俄身角  
之初屢聽鳳鳴之舉言及乘輿事閱廊廟心存魏闕安知疏入  
而跡危身在江湖不以名高而色喜甫建臺於江介俄開閫於  
嶠南龍戶馬人競來衙謁蚌胎翠羽暫免搜求一時之饗吏革  
心千古之貪泉刷耻昔者廣平之入尋踐台司迨夫君嚴之歸  
亦登左轄佇觀新渙夙掩舊聞某久矣荷鉏偶然易節居里每  
勤於存問起家亦自於吹噓屬茲滌籍之初竄有摠衣之喜譬  
蠅附驥雖莫企於騰驤若駉從輿庶相知於向背

賀右丞相還朝

入覲宸旒進居鼎席舉咎繇於右甫平猶夏之憂歸周公於東



遂寃經邦之業縉紳相慶竹帛有光恭惟某官負命世之大才  
建五天之偉績八陵一杯土之憤至此少伸九世不戴天之讎  
曠然一洗及新胡之崛起殆舉國之莫當衆方頽影以偷生公  
獨奮身而敵愾執訊獻俘於百戰暴衣露蓋者累年建勳親行  
淮浦收十全之勝揚帆直上漢江無一點之津雖大臣之誼曾  
靡告勞然明主之眷有不容釋密勿延英之對輝煌文德之麻  
昔高考兩朝方修攘之並舉若呂張二相皆出入之迭更法此  
成規付之魁柄方將近續景命挽回危機收泮渙已離之人材  
作懦弱不武之士氣蔡方既定式造裴令之歸江左何憂尚有  
夷吾之在其謬叨刺部隄聽告廷矧嘗蒙葦袞一字之褒豈能  
無濃墨大書之喜海涵春育聳聞東閣之開地老天荒自笑南  
轅之左

廣東曹謝二相

俾司歛散績效未聞就領轉輸事權加重極寒峻光華之選出  
元台啟擬之恩竊以聖門有取治賦之才俗吏烏知理財之義  
我朝擢用必更西北之漕臣先正丁寧深探東南之民力矧今  
極壞視昔倍難上欲圖寸效以裨公家下欲寬一分以蘇遐嶠  
自顧已陳之芻狗豈能重試於木牛伏念某膠守舊聞愧無新  
智辱翹材之汲引銜使命以驅馳冰蘖持身米鹽衡慮毀家以  
紓楚難景行有慚汎舟而救晉飢秋毫無取驟遷甚寵內省若

驚蓋周子之舊遊與芮公之遺愛海山寂莫幾經冠蓋之往來  
田里穷空曾是輶車之循歷何以佐湟中之糴可以供江上之  
屯荷賢宰相之生成懼賤有司之敗缺茲益伏遇某官並收髦  
俊弘濟艱難謂百費繁興餽輓方資於主計意諸生苦節錙銖  
可補於大農終恐薄材上孤煩使其敢不恪共官守仰答已知  
范公一筆之句僥未捐於大造后山辦香之敬誓永畢於此生

除崇禧觀謝丞相

烏臺數罪乞寢弓旌黃閣憐才俾依香火辱知至此負愧何言  
伏念某曩在端平濫陪英雋遷樞庭之末屬途翹館之並開雖  
五尺童皆知且奭之不悅無三寸舌能令平勃之交懽鼎味失

和彈文歸咎然亦屢經赦宥頻奉使令起廢刺袁驅逐靡溫於  
坐席引嫌使粵淹留甘落於節旄屬魁柄之有歸察孤根之無  
援當朝廷譽馳驛趣行帝遣巫陽歸兮入修門些衆排子厚擠  
之又下石馬退慚不肖之軀上累至公之舉言：擢髮字：切  
身蟲篆留心固已浮華而少實鶴書動色未能寵辱之不驚獨  
當國休、其有容顧在廷斷、而不可坐隔蓬萊之雲氣卧遊  
句曲之洞天歷觀古人尤重倫紀東西惟命既難叱馭以驅馳  
左右服勤尚可垂魚而定省非元宰曲為之全護則繁臣豈獲  
於便安茲蓋伏遇某官有扶顛之勲勞有包荒之德度三吐三  
握共知好事之盛心一是一非悉付無情之公議猶賦三鍾之



粟俾娛九袞之親以示大臣之育材以明孝子之錫類其心非  
土木質委甄陶黃紙除書已榮途之絕念白衣初命倘末路之  
見收

謝三府

鋒車函寢已行白簡之言敕墨猶鮮更賜黃冠之號保全恩大  
循省愧深伏念某向者脩數尾僚受知首相及次輔登庸之後  
乃群情向背之時去時霍將軍競趨新貴不負揚臨賀竄慕昔  
賢身居秦逐客之先名在漢黨人之列中雖起廢俄又速辜深  
探隱微盖用誅心之法追尤狂瞽欲加拔舌之刑幾年太史之  
滯南萬里陸生之使粵羈留瘴土夢斷鈞天遣巫陽而下招上

非終棄畏宗元之復進衆不見容當淳祐之新元負端平之舊  
謹放還田里免詣闕庭嘗歷考於古今鮮並全於忠孝國方多  
難不能効命以執文堂有高年尚許服勤於扇枕非諸老素存  
於長厚則孤生豈得以便安茲盖伏遇某官開誠而布公推賢  
而揚善飯吐哺沐握髮本出盛心進加膝退墜淵大非初意猶  
賦侏儒之奉俾娛耄老之親上以昭聖主之至仁下以見大臣  
之樂育某銘膺自訟碎首莫酬誦緇衣之章公寧有厭磨白圭  
之玷僕敢不勤

謝史端明

驛書趣召甫遙遠使之歸臺簡急攻猶賜散人之號包荒德大



捷市愧深伏念其向者忝末屬於西樞逢並開於東閣深惟杜  
甫素受韋左丞之知竊慕任安不舍衛將軍而去竟收朝蹟繼  
奪郡符暴揚心事之隱微持摺奏篇之狂瞽哭厲王而輒食上  
心本厚於所親趣茅焦而就烹聖世况無於是事果蒙收拭復  
脩使令身久留椎髻之區名不在譽髦之列徽宗元至闕始憐  
久斥而稍收放浩然歸山終坐不才而見棄辱門墻之教誨累  
廊廟之招徠退而省循無所怨尤昔賀老黃冠而還里世以為  
高美于斑衣而娛親傳稱其孝豈聽賢於前代庶幾補過於暮  
齡茲益伏遇某官歷事四朝獨殿諸老君子子育英才之樂將共享  
於功名仁人先天下之憂初何心於富貴於衰緒問安之際

有緜袍念舊之言遂使孤危亦安開散某灰心進取稽首重修  
此日槐陰莫尾朝班而詣府異時林下儻容樵服而拜庭

再除崇禧觀謝丞相

用士之招方懷危懼退人以禮猶竄便安大為知己之差永負  
終身之愧伏念某素無科第稍涉藝文昔尚髫髻諸老誦高軒  
之過今將耳順夫人知古錦之殘蓋嘗內陪公府掾之英游外  
叨部刺史之華遣婚嫁幸而粗畢耕釣足以自娛於何躁圖又  
起妄念白鷗沒萬里誰信已忘之機金鷄赦九州常抱不原之  
罪而况瘴鄉馳驛元會起家經玉尺之裁量出金口之啟擬漢  
省中之語遠不及知唐觀裏之詩近無所作三緘防口殆若瘖

者五米設色其如馨何豈料深藏遂煩重劾曩嘗持券求柳子  
厚所居之官茲又被襟當王介甫力辭之臧十手之所共指百  
喙奚以自文上則傷大臣樂育之心下則辱先人義方之訓維  
云擢髮尚尔全軀茲蓋伏遇某官望重於山心平如秤謂富公  
晚輔慶曆莫明守道之誣迨越王初相隆興幾生放翁之累不  
以憐才之故廢夫執法之公大費保全曲為未減其敢不唯臍  
德艾稽首皈依瞻彼天淵各遂鳶魚之飛躍譬之江海豈為鳧  
雁之少多欲報鈞陶第勤香火

謝史端明

東閣開筵力排謗議南床迎擊復寢陰書罪宜抵於春鉗恩許

依於香火伏念某粵從羈紲酷嗜雕虫諸老憐才多云孺子之  
可教中年聞道始悟壯夫之不為固嘗指天日以懺非每欲挽  
江湖而滌穢又况心膽碎於機穽精力竭於米鹽望之猶木鷄  
然安能吐綬棄之如腐鼠耳奚足發機猥蒙當軸之殊知實本  
過庭之素論念馮唐之已老命巫咸而下招白簡未乾緇衣改  
造宰相進一即吏蓋亦甚微國人與諸大夫以為未可謂騰口  
泄嚴集之語且披襟居清望之官謏如嘖言殆有狂疾未嘗迴  
首憶玄都觀裏之花矧漢交談及溫室省中之木殃猶天降禍  
匪已求下則貽父兄師友之羞上幾為廟堂館閣之累迄從寬  
典厥有哀言茲蓋伏遇某官士者宗師國之壽雋夫老歸周之



後聞風皆興仲尼反魯之餘講學未厭似記摠衣之舊屨羅具  
錦之誣察其因薄技而賈衆憎憐其以虛名而博實惠遂捐圭  
撮俾奉旨甘其敢不掃迹塵間冥心事外狎白鷗而同社有如  
此盟御青牛而出閑請俟他日

謝諸府

除目驟加噴言踵至甫還壇而起廢復銷印以投閑予奪無私  
省循有覩伏念某用心甚苦賦命不猶蚤工雕虫之文俄而悔  
矣晚抱屠龍之技無所用之端平排去而不容淳祐喚歸而中  
止初無顯過謂有躁圖六百石祿六十老翁久懷知足之念一  
兩永金一日制誥安得喪心之言片辭造膝之薦揚百喙吠聲

而驅逐輒環嶺海跡掃山林蚌無照夜之光展剖胎而可免鷄  
有為性之患寧斷尾以自全永休身世於把茆尚掛姓名於夾  
袋省中語泄輦下謗喧奪粉署之新街返黃冠之初服灰寒木槁  
豈復有于親寬刀割香塗漸不分於苦樂仰荷廟堂之寬大尚容  
閭里之浮沉茲蓋伏遇某官有獎王室之心有育英才之樂屬  
元會弓旌之聘念平生車笠之交去國有年稍序進尚書郎之  
秩在廷無援多不可光祿勳之人欲息衆譁姑令遠引某敢不  
杜門省事銘座訟非二十八宿笑人幸免辱清朝之選三十六  
天訪道願徧為福地之遊



新自宸衷付之魁柄惟辟作威作福故親攬於大權有臣同德  
同心爰起居於端席識者相慶翕然同詞於惟華宗厥有名宰忠  
宣當元祐之世不主一偏覺民在建炎之初有功再造惜也經  
綸之日淺甚哉遇合之際難孰如我公自結明主十載雷聲之  
淵默一朝地關而天開國其庶幾政將焉往恭惟其官稟元化  
之精粹蹈聖人之中庸貴處廟堂矍如山澤其秉心誠實故君  
子咸附其蓄德深厚故小人不疑厲者諸公欲手版下新亭之  
拜時惟元老獨舉扇障武昌之塵然後太阿之柄還然後九鼎  
之勢重十全無遺慮矣一變猶反手然斯謀斯猷惟君陳之告  
我朕夢朕卜以汝說而賚予必能容折檻之人必不罪舉幡之

士必開密網必革副封必斥絕弘羊張湯必追還陽城陸贄魯  
安得削隱然樹無敵之功吳未可圖良以彼有人之故綿基圖  
於箕翼紀勲績於旂常其流落十年漸侵六袞福建子是惡既  
不可以逃鄉江西社盛行又無從而入派已分為農而後世忽  
逢知己之秉鈞敢云茅拔枝而彙征不覺籟鳴而機動希文  
得政豈無守道之獻詩司馬當朝不待器之通問

賀杜右相

渙發制麻晉登揆席朕夢朕卜聿開帝賚之祥汝翼汝為其代  
天工之曠宗祧增重簾陛益尊在昔昭陵有臣祁國內則寢斜  
封之請謁外則為清議之主盟學館頌歌與希文而對秉宮闈

嚴憚云杜某之卻還流傳千萬世號為端人寂寥二百年誰可  
繼者偉矣元台之拜凜然大節之同恭惟其官稟河嶽之英有  
莘渭之望克塞天地不屈孟氏之至剛臨履淵冰孰知曾子之  
大勇嘗叱義府於伏下亦責平津於上前自公辭高位而潔身  
舉世順下風而俯首秦無客子居然擅國事於閩中晉有偉人何  
至移朝權於姑熟屬宸宸收太阿之柄而昕朝虛岩石之瞻輟  
玉食而深思覆金甌而未決昭告昊天上帝厥有休符謀及卿  
士庶民咸無異論付以机衡之重趣其哀緒之歸夫既為善類  
所宗又將受公議之貴必也從法先賢如秤之喻念前輩平舟之  
言起岩穴遺材退筆刀小吏弛筦推以紓民力寬尺度以收士

心澶淵采石之戰功指期可俟梁谿紫巖之相業視昔有光某  
去國十年脫身萬里蓋嘗使粵煩六丈之一句不幸產閩遭半  
山之三字敢意平生知己一旦奮庸豈云附翼以攀鱗庶可揚  
眉而吐氣作夢得問鈞之賦文章久哀誦如悔猶天之言暮齡  
有托

賀鄭丞相除少保醴泉觀使兼侍讀

起賢濱海領使祥源圖任舊人拜召公而為保若稽古道命倚  
相以讀書麻卷初傳縉紳相賀歷攷帝王之世猶陰師傅之思  
商宗之於甘盤曰台舊學漢祖之於嚴子云朕故人或遊荒野  
而見思或釣桐江而彊起所以示後世人主進修之法所以倡



學士大夫名節之風久矣寂寥偉哉遇合恭惟某官有尹躬之  
一德集孔氏之大成嘉定初潛實賴綺園之力端平總攬首當  
莘渭之求一變有涑水之風獨立少汲公之黨容身無地知我  
者天上印而還中書角巾而即東路由江感秋扇之喻遠避隼  
猜魏公喜畫錦之歸冷看蝶鬧厲者朝更政化辟作福威區別  
忠邪願瞻表著群公環列類非昔者之親臣一老獨存方且歸  
然於下國百辟迎安之至九重慰反席之思莫繁乎一日萬機  
之勞莫要乎三墳五典之道嘉興鴻碩相親燕問弼予一人遂  
冠班於孤棘益者三友時開卷於細旃內家賜聖製而開御筵  
太史奏客星之近帝座寵光鮮僂邁史梁兩揆之榮典故具存

踵申潞二公之拜某久孤技擢積困謗傷人或謂之非辜自不  
知其何罪厚誣石介因以撼於富公巧詆舜欽本欲傾於祁國  
不敢發塗窮之歎庶幾有天定之時久踈翹館之起居忽聽大  
庭之播告僕方養母詎且起隱於終南公素憐才僕許逃歸於  
楊翟

江東憲謝鄭少保

故里逃讒猶賜散人之號公朝起廢復乘使者之車被黃紙之  
新榮出緇衣之初意伏念某拙於諧俗病在信書作太玄如鼠  
坻徒然若思奏子虛由狗監非所樂聞未嘗掉鞅而先時輩  
之鞭豈願立的以來天下之射頃值真儒之當國獲陪髦士之



在廷朝猶誦杜甫於百僚夕有墜宗元於千仞虞人之旌每至  
輒有物以尼之烏獲之綆莫施判此生之休矣不圖暮景重際  
明特周大老盍亦歸乎魯諸生無未行者雖已荷鋤而在畝例  
叨出節以起家群嘲衆罵之身不無懲創再哀三竭之氣未易  
激昂雖勉奉直指而行深恐為翹材之累恭惟某官有安陽叟  
之大有涑水翁之誠上苦留公詎容舍上而歸士或負已終無  
厭士之意興懷舊掾久伏空山昔位置入宮未免召蛾眉之妬  
今驅馳于隰第令服馬走之勞時假皇華以安孤蹟其敢不恫  
瘝求瘼平恕讞疑遇事風生非復少年之材健養親日短終祈  
造命之哀憐

謝丞相

置之闕散避飛語之中傷送以光華出翹材之啟擬衆咸羨孤  
生之挽遇誰知費元化之曲成伏念某忝忝旌輒授畧獲怡  
然膝下戲披萊子之綵衣久矣夢中奪去江生之色筆力耕以  
給公上閉閣而絕交游世皆云東野詩寒誤身至此客或謂京  
君房語妙搖手止之有一丘可以老馬雖萬戶不與易也敢謂  
朝報登庸之麻制夕盼枚枳之除書見車馬以驚猜着衣裳而  
顛倒厥今聖君賢相亦既拔茅而彙征自昔志士仁人豈若繫  
匏而食不頓忘駕方遂許驅馳然奏讞繁而耳目不能周封圻  
廣而足跡多未至田里有呻吟顛悴之態郡邑少忠厚豈弟之

風每隱於心為之顰眉欲繩以法多所掣肘固知當國擇子駿  
而遣行終恐不才煩希文之句去茲蓋伏遇某官有伊訓說命  
之學兼房謀杜斷之長手玉尺以量材躬袞衣而下士已起歸  
周之大老尚招在魯之諸生念其昔忝班行與夔龍之武接察  
其初經原隰意農馬之智專持昇皇華以榮晚節某敢不感公  
朝之起廢體列聖之好生刺史奉問俗之六條顧激揚之安出  
冢宰操詔王之八柄倘黜免之小寬

謝給舍侍從

祝釐林下將挂其神武之衣冠問俗江干忽送以皇華之禮樂  
向非借味言於兩禁豈能挈陸跡於九淵伏念某少已崎嶇晚

尤齟齬嘉定笈蟄龍之舊話萬死一生端平倡市虎之虛傳十  
年三黜頃言歸於嶺表已自誓於墓前營菟裘之地以老身耕  
綿上之田以養母敢謂腐陳之迹又逢新美之時揭端門之鷄  
竿出澤國之龍節兒童夸詡但知榮持斧之行朋友祝規或青  
條埋輪之舉然以負薪沉痼之久加之傷弓懲創之餘神明耗  
昏精銳銷煥時有相攻之雀鼠何恠事繁豈無當問之豺狼所  
慚力腐深恐速曠官之咎抑以為知己之羞恭惟某官仁義陳  
於王前風采聞於天下謂南有杞北有李固已得賢而立基然  
細為楠大為栢尚且聚材而建厦聲氣之所求應議論之所吹  
噓言念孤生早參諸老昔接武於鵷鷺行之末每致嘖言今服

勞於牛馬走之間尚堪粗使終然暗劣奚以將明其敢不懷起  
廢之殊知體好生之大德自憐老子讀司空城旦之書深愧近  
近臣誦雲夢上林之賦

### 謝臺諫

製茅君之羽服分老空山被漢使之繡衣俾行劇部衆羨晚涂  
之榮寵誰知要地之主盟伏念某容貌子雲之取輕骨體虞翻  
之少媚名如画餅曾不療於飢腸身若射侯有無窮之飛矢自  
初元之歸節辱頻歲之子環朝聞四輩之趣周夕報一人之毀  
布懶如叔夜形骸漸已不堪老去伸舒筆硯非其所樂不圖暮  
景又值明時解禁錮而起家駕軺車而入禁境目擊瀕江之凋

瘵耳聞比屋之歎嗟囹圄尚有減耳荷校之囚郡邑未聞望風  
解印之吏共惟法筵舉揚之義蓋龍象之共觀幸忝外臺督察  
之司豈狐狸之足問方且恃霜稜而無恐不然凜冰蹟之曷危  
茲蓋伏遇某官夷清惠和蕭剛汲直上更大化惟一二臣予同  
公奮孤忠雖千萬人吾往既掃去冰山之黨首徹還鐵壁之賢  
典念陳人早陪髦士昔諸老更相稱譽幾若比周今殘年落盡  
皮毛僅存真實曲加枚拔仍脩使令其敢不思復玷之難體訓  
刑之旨高原下隰方將訪疾苦於民間廣廈細旃焉敢望吹噓  
於天上

### 賀謝司諫



龍墀渙號騎省升賢司諫七品官未足為范君之賀法筵第一  
義皆聳聽滎陽之賢言當宁虛襟在廷舉笏宿以君子之論常  
見微而知著天下之理有必至而固然與其蕩沃於已焦爛之  
餘孰若芟夷於未滋蔓之始既寢了翁之諫疏孰敢嬰老蔡之  
鋒使行獻可之彈文世豈受金陵之禍瞻言前哲復見今公恭  
惟某官稟岷峩之精英傳閩洛之本統頃居言責尤著直聲屬  
時督閩外之臣竊慕下石頭之舉向惟安石皆倒持手板之人  
賴有陽城倡裂壤白麻之語雖忤觸貴推之怒矣然保全名節  
而去之及此更張幡然號召於惟列聖每親除耳目之官歛後  
柄臣始私用腹心之客雲漢之章朝擢風霜之語夕傳昔未嘗

望車拜金谷之塵今果能露布破銅上之賊然而質肅論燈籠  
錦或識後遂無聞道卿諫瑤華宮又云事不止此寧一發之為  
快百鍊而愈剛公卿幸得遭時其可孤於明主諫官如此言  
事寧不賀於太平遂自大坡進持魁枋某素無寔用浪得虛聲  
陶寫性情時宰疑麥蔡之謗將明倫紀臺端有粟市之彈粵從  
戶氏之秉鈞莫晚累臣之得臯不圖衰朽復脩使令良由端人  
得君之初興念寒士失職之久尚能奮發賡徂徠聖德之詩無  
復狂愚作韓子諫臣之論

賀劉察院

渙號楓宸升賢柏府昔飢烏久噤虛我獬豸之冠今鳴鳳一聞

盡革蠲塘之響福流宗祐喜動縉紳竊以人臣不可受恩於私  
門君子必蚤有譽於天下永叔責高司諫猶在館中了翁忤雷  
章雷州方為博士寧遠作夷陵之役不肯登紹聖之舟故一朝  
擢拜於爭臣而萬代仰瞻其名節不圖今日復見若人恭惟某  
官克直剛大之浩然兼知仁勇之三者頃陪英俊進列師儒委  
質為臣疇昔非永山之客拂衣去國始終為鉄壁之人處之外  
服而甚安餌以美官而不顧自執事為冥鴻之舉而諸賢効伏  
馬之瘖聖斷赫然既親攬太阿之柄公言驗矣悔不行曲突之  
謀遂除緊官俾究前論衆競遭時而建策獨思拔本以塞源况  
龍象之共觀何狐狸之足問去惡如去草勢惟恐其蔓延擒賊  
先擒王功有如於摧陷翕然伏第一義之奇偉終此有數百篇  
之開陳舊史謂諫如丹青是必本原於仁義前輩云事皆塵土  
持留久遠之功名不惟霜簡之凝行見辰猷之告某羈孤一介  
閑廢半生方寶紹間奇禍胚胎於詩案在端嘉際深文倚據其  
奏篇及一相之顯朝又五年而在野不圖哀暮復忝馳驅良由  
端人得君之初興念寒士失職之久忝子駿福星之選愧無補  
於明時賡徂徠聖德之詩或可陳於薄技

贛江察院

出綸中禁執簡內臺昔虎豹守九閔無恠盈庭之嘿今鳳凰翔  
千仞聳聞瑞世之鳴庶陞益尊縉紳相慶恭惟國家傳十四聖



親擢臺諫多第一流慶曆之去夏公首登歐蔡建中之變子厚亦用鄒陳當時誦其言語為著龜後世仰其名節如山嶽繼先賢而挺出捨執事其誰歸恭惟某官擅九牧之名為諸儒之倡出新義於繫辭十翼之外研極義深追古文於先秦二漢之間芟夷陳腐頃在端嘉之際早陪賢雋之游使其惟意於本朝久矣先居於此座幾年流落不肯登紹聖之舟同志凋零獨屹立南都之壁屬者朝更大化上記孤忠甫對龍顏徑裁角謂金陵雖去柰其徒之護法實繁况老蔡尚存恐所仆之黨碑復立觀奏篇予奪抑揚之際繫世道理亂安危之分必不容八元四凶之同朝必不與六卿三家而共國必真有昔人存趙之策必深思前輩祚宋之言奉白簡以聞即提綱於三院宣黃麻而拜行絕席於百僚焜燿一時芬芳千載某曩接夔龍之武顯蒙管鮑之知契濶十暮顛連百謫豈料窮途之不死獲觀賢路之復亨訪凝之於康廬山中悵莫從于名勝賀陽城于延英門下曾不若于武人第如冰蹟之危幸托霜稜之峻固知范老不嬖守道之狂言孰謂鄒公猶待承君之開說



後村居士集卷第二十八

啓

賀鄭少傅

細旃徹卷孤棘剋班知我惟春秋既暢尊王之旨弼子亮天地  
遂登亞傳之崇簡冊有光縉紳相慶維綱常之大義具筆削之  
一經曰子曰人辨內夏外夷之分書叛書盜誅亂臣賊子之心  
迨本朝之名儒掃諸家之說論然而孫明復所著莫小試於慶  
曆胡文定之說不盡行於紹興孰如舊學之宗工躬闡素王之  
本指爰切廟於后德亦扶植於國經恭惟某官以伊呂王佐之  
才抗喬松物表之志江湖遠引共高嚴子之年襄廊廟重來依

舊孔明之魚水首延登於保輔俾入侍於燕間密勿龍光敷陳  
麟史以天理之二字蔽聖經於一言將使夫竊寶玉大弓之徒  
皆凜然畏斧鉞革衮之筆莫如我敬王者已畢遺編茲予其明  
農哉欲尋初志乃陟司徒之極品乃荒句踐之昔封方留公旦  
以經邦未許甘盤之遜野傳以德義老成尤重於典刑緝於光  
明終始有資於數學重提化筆峻拜師垣其側聆制麻幾折屐  
齒子無曰學素鄙平津之從諛帝順下風常即廣成而問道

除將作監直文閣謝丞相

郡紱使華十年迭試朝班閣職一旦驟遷絲毫無蹊徑之扳緣  
頂踵出廟堂之啟擬伏念某虛名作崇實踐有慚周旋陳元方

鄭康成之間恍緒言之猶記交懽丞相平太尉勃之際非咄舌  
之所能粵從公府掾之免歸長為田舍翁而無憾然猶左符西  
泝單傳南馳上察孤忠每欲赦虞翻之罪朝無死友居多諛韓  
愈之人一招一麾屢起屢仆屬元台之提筆由散地而駕輶發  
擿技窮終匪當道埋輪之手平安信遠不勝高堂扇枕之情叩  
闕陳宜去之言席藁拜弗俞之詔乃若陞華班序寓直圖書曩  
梯登九天之難今帆借一風之便謂孟博頃嘗出使慨然登車  
念揚雄久不徙官老於執戟詎敢望此日翹閣開東之禮庶幾  
為異時墓道征西之題向非吾相之猶天誰與鯁生而為地茲  
益伏遇某官衛武公之抑魯儀休之庶陛下諒其至公血誠海



內目為鉅人長德上道揆下法守國之所賴以永存恩已出怨  
誰歸士或不知其密啟遂令枯朽亦玷光華然其將毋不遑容  
身無所慕子蒙繡衣之遣豈不貪榮賀羨監以黃冠而歸終期  
得請

謝臺諫給舍侍從

厚享薄功何裨臬事清資美職加重使華端由要地之吹揚遂  
動明時之記憶伏念某南州晚輩乾道故家頃濫綴於英髦俄  
斥歸於民伍李布自謂有一譽一毀之人韓愈亦云無相先相  
死之友觚稜寢遠麾節迭更中叨虞人之招輒挂逐客之議屬  
逢改紀復起乘輶豫章之西彭蠡之東之振揚之風采廣廈之

下細旃之上辱比數其姓名每誦言以雪孝章之誣乃絕口不  
洩古靈之藁蓋屢薦而後入非一嚔之能生既書新銜頓改舊  
觀元都君子解向來種桃之嘲洛社耆英容老去戴花之舞萃  
此殊尤之寵華其流落之餘茲益伏遇某官學問本乎周程氣  
節邁乎歐蔡身美名君顯號多雍容感寤之言世欲殺吾憐才  
有愛惜栽培之意念滯迹駸々其垂暮俾枯英濯々以回春然  
某慈母九齡故山千里繡衣而使渤海素無暴公子之風黃冠  
而乞鏡湖竊慕賀季真之舉

賀鄭少師

登冠貳公褒崇元老孤旌茸纛恨無官之可酬甲第殊庭欲有



謀焉則就帝學賴緝熙之益身章煥佩服之珍載籍罕聞縉紳  
相慶竊稽列聖待勛舊之典非無上公領使弼之榮然潞國  
貴極維垣不過河陽之鈇鉞紫巖位尊弘化亦惟長樂之麾幢  
乃如致身為帝王之師賜履於父母之國度越先朝之故實眷  
留昭代之耆英則自生民以來未有我公之懿恭惟某官道隆  
而德駿業廣而功崇身從挾龍而飛天忠勞鮮灑不待審象而  
求野望實已孚勵相端平挽回元祐至今廟堂經濟之老皆昔  
翹館招延之餘十年羨衣錦之歸一旦就安車之聘尔則告后  
方欲咨君陳之猷予其明農未可遂周公之志乃超三少之秩  
乃擁元戎之旄腰方玉以垂紳卜新圖而考室問祈於子革  
靡所不知設醴酒於穆生久而愈敬雖熙寧遇師臣之厚阜陵  
眷舊學之深以昔準今有隆無殺錫公千歲重賡純嘏之詩以  
王萬年光輔太平之業某屬馳軺傳聲聽制麻方千贄之滿前  
願一箋之獨後老文學為歌誦愧非僕之所堪辭將相作神仙  
願於公而有獻

賀游丞相

播告辨朝廷登真宰人主之職論相上方注倚於儒宗大人為  
能格君公素講明於心學明良胥會今昔罕逢歷觀莘渭王佐  
以來因歎漢唐相業之陋弘談經而阿世崇挾術以救時彼哉  
雜霸之淺圖無上自售貴以敬王之大節非乃所知是必道術

得聖經賢傳之精微謨謀與伊訓說命相表裏素負海內蒼黔  
之望始膺陛下夢卜之求恭惟某官鍾間氣於岷峨沂大原於  
閔洛窮理盡性至命有作聖之功夫責難陳善閉邪積回天之  
力量每獨立當雷霆之怒亦若口進藥石之言其告於旃屨也  
先大本大經其著於廊廟也皆仁心仁聞久矣有登庸之意決  
於辭宥密之時裕陵敬先謂他人雖推弗去仁祖用弼以近習  
莫知其名揚於廷而宣麻立乎朝者舉笏蓋先諸老而予環者  
上之眷後群公而當軸者公之謙茲天命人心去留之本源亦  
君德世道轉移之機括本氣實則容邪去初着誤則末勢分艱  
哉列聖之經營重矣一身之負荷在典午末復存賴王謝之兩

賢洎建炎初再造亦趙張之二老以今準昔異世同符同將享  
武公之年何止書汾陽之考某頃田間之負耒期閣下之秉鉞  
不圖殘年真有今日非謂托身於元化庶幾拭目於太平章句  
才衰無復徂徠之歌謂旨甘情切但思楊翟之逃歸

### 賀湯司諫

孚號于廷名官以諫聖朝無闕事不待批於龍鱗天子有爭臣  
尤急聞於骨鯁識者相慶翕然同辭恭惟國朝參用唐制莫要  
於御史府莫清於供奉官誦岑參杜甫之詩日趨東省拜陽城  
仲舒之疏時守延英向非一代之名流曷副九重之妙選恭惟  
某官淵乎似道浩然至剛栖遲樂衡泌之間徵起遇風雲之會



公每抗論幸明主可為忠言衆亦望風意山人不樂名利援禮  
以杜家臣之僭奮筆以誅世卿之前謂君然後有友玷塞門謂  
盜豈容竊大弓寶玉鄭公所上百奏莫不切心陸生每著一篇  
必蒙稱善後宮敬憚於質肅貴璫歛避於淳夫乃冠伏蒲之清  
班以旌折檻之直氣有若仲山甫之補袞方嘉賴之欲如神明  
逸之拂衣胡可得已行陟大坡之峻徑躋兩地之尊其仄聽出  
綸不知折屐幸有要津為吾輩之盟主敢以晚節累平生之故  
人獻徂徠醒德之詩尚能勉強作韓子諫臣之論無復激昂

江小坡

上同  
司諫恭惟其官達智仁勇之三者塞直剛大於兩間賢路窒則

卷懷而蔽世道清則覽輝而至奮筆誅陽虎之盜垂之冊書鑄  
鼎圖魑魅之形究其情狀謂祿不可去公室謂國不可有世卿  
謂授太阿於人者臣專謂擁虛器於上者主弱謂脩槩分事任  
於嘉祐謂鼎淩並登庸於紹興謂士大夫詎宜作家臣謂聖天  
子當自為英辟鄭公所上百奏下同

賀鄭侍御

渙號廣廷晉班橫榻古所謂法家拂士莫如爭臣今不置大夫  
中丞遂長御史贊書初下輿論交歸夷考昔賢有居是職峩冠  
叱李義府伏下皆驚草奏劾博陸侯廷中咸肅久矣二公之不  
作去之千載而若存恭惟其官有孟氏養氣之剛有曾子守約



之勇不由一介之助自結九重之知屬者國有世卿朝多私黨  
士登光範但知章蔡之恩公立上坡首抗鄒陳之疏曰厚俗以  
教慈孝曰命相以杜覬覦然後君臣之分嚴然後父子之倫叙  
然後九鼎之勢重然後太阿之柄還厭鮑魚於臭腐之餘其諸  
人易縛猛虎於咆哮之際為執事難並拜雜登以旌忠直必有  
以銷弭異時反覆之患必有以堅凝前日挽回之功既三院之  
徧更風稜尤峻由中司而大用典故則然益進昌言永扶熙運  
某屬叨乘傳聳聽置郵在古靈藁中幸早陪於末至拜延英門  
下獨阻賀於太平

賀謝殿院

出綽楓宸提綱柏府古者國有拂士莫如諫爭之臣故事臺無  
長官尤重雜端之任贊書初下興聖翁歸自昔明目達聰之朝  
必用犯顏敢諫之士有希文永叔寔開天聖慶曆之太平無元  
城了翁誰為元祐建中之命脉備矣執事今日之拜凜然羣公  
先正之風恭惟某官養孟氏之至剛聞曾子之大勇頌莪豸角  
親捋虎鬚舉扇障元規之塵安能挽我裂麻沮延齡之相可不  
壯哉自拂袖觚稜之邊徑誅茅廬峰之下屬者負宸收倒持之  
柄臨朝思曲突之言趣歸邇英俄擢補闕論蔡新州於題車蓋  
亭之後孰不力攻彈王金陵於入政事堂之初尤其先見丹心  
不改素論愈堅貴璫咸憚於淳夫掖庭知有於質肅皆謂霜稜

之勁宜居風憲之雄觀三院之壁題姓名可考由中司而揀任典故則然益進昌言永扶皇極其屬叨乘傳聳聽置郵在古靈藁中何幸獲陪於下客賀延英門外自嗟不及於武人

謝閣學王侍郎薦自代遂

寶度優賢姑慰國人之望公車引類誤蒙閣老之知所愧哀年曷堪盛舉自唐虞之命元凱至漢魏之冊公卿伯益作朕虞乃欲讓於朱虎華歆拜太尉亦乞授於管寧共惟本朝薦代之規尚存古人相避之意况公之褒貶嚴甚而士之軒輊繫焉如某芳猶菲髮已種向來言語類楚接輿之狂老去形骸有哀駘駘之惡逢人莫不掩鼻通國無與立談避謗深藏貪榮浪

出念正始世嘗聞中朝之金聲數元祐人僅見南都之鉄壁運之陰替有公等在意所予奪而天下從何取於兩端空之夫欲進之九官濟之列豈憎嫵媚寧予粗疎茲盖伏遇某官性學窮乎天淵直聲動乎穹壤坐虎皮闔新義士所樂聞執牛耳主齊盟孰敢不聽亦猶歐稱子美坡獎介夫求全寔難取節亦可某年侵耳順事與心違回首故棲未免負鍾山移文之媿乞骸早退庶不為古靈薦藁之羞

受告謝程中書公許

濫長鳩工適當鴻筆寓河洛圖書之直臬事有光拱卿雲黼黻之文綸言甚寵曾謂至愚之質併加溢美之褒歷觀西掖之雄



辭無出東坡之巨擘袁錢一語風雷四方凡五采之彰施蓋萬  
口三傳誦侯利建由江左憲臣而進擢范子奇以將作大匠而  
召還非兩制如金石之不刊則二人与草木而俱腐歎今漢詔  
後出蜀珍如其者久息影而深藏忽強顏而浪出孔戮負二宜  
去奚待人言松康有七不堪懼嬰世患至若躡升華序驟昇隆  
名身縻牡駕駒轡之間勅經鳳閣鸞臺之下念其江湖流落之  
久歸以雲漢昭回之先昔靈均自言有衆女之余嫉虞翻遺恨  
無一人之已知詎意孤生親逢殊獎良由筆端之予奪當不待  
身後而議論公驅馳頓覺於光華舞蹈不知其嗚咽茲蓋伏遇  
某官國之龜玉學者斗山文辭獨行於朝廷言議可著之廊廟  
盛德大業為歌頌其誰宜賸馥殘膏被沾于者多矣綠絲初下  
皓首尤榮然某親年愈高宦情亦薄上書而乞骸骨庶幾得竭  
力於旨耳函詔以示子孫焉敢委大惠於艸莽

謝王侍郎舉自代 荃

登賢禁素有大勳勞引類公車不遺故舊吹噓所及晚暮奚堪  
歷觀昔賢有處高位雖得興而無愧猶推轂而不休或評陸遜  
之才名宜為己代或表錢徽之年輩謂在臣前遜哉遺風盛矣  
茲舉伏念某入山林而不密迫鐘漏而猶行好事傳訛記三五  
少年之作傍觀責脩笑六十老翁所為不能埋輪而立聲名蓋  
嘗上疏而乞骸骨惟論交之再世况受業之全門聽輔嗣之全



聲親陪塵尾得右軍之繭紙常珪篋中車笠之勢久分膠漆之  
情不改屬者寵嘉勞舊登陟論思運流馬以餉邊扈屬車而上  
雍仰盛世夔龍之遜必允僉諧先平生管鮑之交懼非確論茲  
蓋伏遇某官提老師之文印傳名父之心燈謂人物眇然深起  
乏材之歎憫朋友缺矣首歌伐木之章既信復疑以榮為愧某  
摧頽莫齒感慨盛心石父夷吾豈果不如於農馬退之東野願  
為相逐之雲龍

回賈制置

驅馳遠使予環猥被於上恩獻納近臣推轂端猶於餘論愧謝  
函之未貢辱慶問之俯臨伏念某誤隨弓旌起駕輶傳未免低

徊以就飲啄詎能奮發而立聲名無復着鞭甘避諸君子之三  
舍但思全璧下從先大夫於九原子職有虧使事無補屢叫闈  
而引去忽馳驛而喚歸葵藿傾陽戀闕之心固切桑榆垂暮循  
陝之日幾何雖九重惟行之令已盼然一介不移之愚難改只  
俟黃符之下即遂斑衣之還凡此僥踰出於吹送茲益恭遇某  
官奮孤忠敵王愾出隻手扶天傾舍人詩篇雜杜陵老而無辨  
太傅議論多漢朝儒所未言有赫々之功名尚慙々於人物乃  
如醜質亦拜好辭某盥手剝封滿懷堆感江雲日暮何由陪太  
白而論文渚石天齊尚欲繼次山而作頌

答韓徽州

共理惟二千石稔聞謠頌之聲一封奏九重天聊舉激揚之職  
愧納交之甚僭辱執禮之過謙恭惟某官玉雪雙清頃篋迭奏  
尋昌黎之墜緒發為文章治天公之故鄉興其仁遜一洗會計  
簿書之俗挽回禮樂教化之風誦絃月異而日新襦袴昔無而  
今有寧減太倉紅腐之粟以活旱歲赤窮之民作牧者多如侯  
有幾與人誦子產其誰嗣之朝廷知弱翁且大用矣某早識大  
馮之半面晚交小陸之下風雖結束於行裝敢蔽蒙於嘉績公  
真所謂循吏蓋博采於僉言僕雖不及古人安敢當於私謝

答池州魏通判

疏渥佐麾涓剛滌籀屬時天整大為固圉之防爰屈時髦小試

康沂之績先聲攸暨群聽已孚伏惟某官妙質天成雋名日起  
先文請如山澤之有龍席偉矣傑魁賢公子譬戶庭之生芝蘭  
居然秀美早繇內幕晉列中朝鶴行方快於九遷驥足乃煩於  
再展人疑支壘不足題仲舉之興上念故家將親訪魏公之笏  
會盼迅召寧久平分某自笑滯留尚叨寅協向來樞府蓋嘗屢  
拜於北平歲晚即君倘許重窺於東閣

賜第謝丞相

對玉座而乞身未容還里賜金丹而換骨仍使登瀛維奎畫之  
明揚實化鈞之密啟寵光百陪辭受兩難竊以稀濶之舉惟其  
人遇合之際繫乎命名相如陳止獻僅除元履之官前輩謂史



太師不了放翁之事魏則終身而長往陸方錫第而左遷未有  
既齒名於皇朝俊造之科復著籍於上帝圖書之府是為異數  
當屬奇才如某者學欠精專性多遺忘河陽耕牧莫能成周南  
太史之書汾曲田庐但欲卒銅川府君之業其進非由秀孝茂  
異之選所望不過國舍虞比之遷辰猷馨言午放細札茲所謂  
本朝之曠典舉而華孤士之一身黃牒懷歸絕勝桂生於墳上  
青緇老去恍驚藜照於閭中舊無千佛之姓名新有群仙之指  
點衆羨致身于清望獨知回首于欽翹昔在端平早陪末至豈  
必立定夫於暮雪居常坐公揆於春風前以宗伯侍迺英已辱  
纂修之薦後乎秀岩開史局未酬推挽之言及甄陶歸掌握之

中果位置越拘掌之表何異加冠巾於澄觀施朱粉於無益筆  
硯久荒忽黍場屋遺才之舉布常相語將有渠觀無人之識識茲  
蓋伏遇某官開誠心如武侯持衆美如房相謂取士之規模宜  
廣謂有司之尺度太拘育英材在大家所以儲國家之用以科  
第典風漢得無貽門館之羞况荒淺未能誦祈招之詩而辨博  
不足奉帝丘之問恐干清議徒切隱憂某取教過多受恩罔極  
向春風夸得意非復看花走馬之時以紀傳易編年徒有絕筆  
獲麟之感過此以往未知所裁

謝鄭少師

對玉座而乞身未容還里

下並同  
亟相至

昔在端平早陪末至非至稱



盛憲之名於九牧抑且誦杜甫之句於百僚方吐哺下白屋之時所傳已廣及辟穀從赤松之後此念未忘生成甚歎抱之勤位置越拘掌之表下亦全茲蓋伏遇某官好善最優譽髦無數謂取士之規模宜廣餘並全

謝趙知院

露疏乞身願補南陔之章句奎文錫第俾司東壁之圖書內竊殊榮外包厚愧歷觀人物會通之際因歎書生遇合之難皇祐諸老力挽聖俞竟止京朝之授隆興二樞合薦務觀亦惟掾屬之選未有既齒名於慈恩塔之題復著籍於群玉山之頂是為異數當屬奇材如某者學欠精專性多遺忘下並全衆羨致身

於清望獨知稽首於欽翹每造膝議延英政事之餘必極口誦子虛游獵之作奚異加冠中於澄觀施朱粉於無鹽筆研久荒忽忝場屋遺才之舉布常相語將有渠觀無人之譏茲益伏遇某官開誠而布公推賢而揚善謂取士之規模宜廣謂有司之尺度太拘育英才在大臣所以儲國家之用以科第興風漢得無貽廊廟之羞餘並全

謝陳大叅

露疏乞身願補南陔之章句下與知衆羨致身於館殿獨知稽首於門闈念昔先君論文諸老及細攷碑陰之友誰堪托身後之孤方槃澗翁居北山嘗列執經之弟子今中書君開東閣未

忘受業之陳人每造膝議延英政事之餘院下與至知以科第與風

漢得無貽甄治之差餘與前全

賀鄭丞相

制麻播告撥席登崇太傅曰三公特寵初潛之舊人主論一相  
盡收旁落之權政出廟堂慶流宗祐常慨君臣之際莫難心德  
之同或親事法官莫望其末光或仰視殿雷不答於一語風雲  
之會不辨岩石之瞻寢輕所以季然問仲由冉求謂其臣矣必  
若孟子論伊尹管仲先受學焉恭惟某官手挾飛龍力扶鰲斷  
初元一變粹然用涑水之規模歲晚重來見者異潞公之年貌  
上欲託國者屢矣公輒乞身而避之徜徉孤山夢寐一壑屬甘

泉之烽踵至而延英之議背馳臨朝不怡當饋太息孰德望隆  
重能折遼夏之驕孰心事和平可壹洛蜀之黨艱矣政事堂之  
任屹然靈光殿之存謝傅未起之謂何甘盤欲避而不可必有  
以易置壞局幹回危机扶天下之綱紀文章繫中國之衣冠禮  
樂問朝問左右咸無異言惟天惟祖宗克享一德方將開紫蓋  
之運然後從赤松之遊其進觸悔尤退安義命每佩臨別承君  
之訓不通平生元城之書然猶聽避新麾超加美職託孤危於  
大化勉忠孝於暮年昔誦狼跋之詩嘗願歸於公旦今被羊裘  
而釣安敢累於君房

二府



播告辨朝登崇碩輔上於二三執政將託國家公以第一流人  
同升廊廟士心咸附民聽具孚竊謂自昔無不和之大臣矧今  
有難平之幾事傳巖之美阿衡之曷古訓具存慶曆之車元祐  
之舟先賢深戒聖矣九重之獨紆赫然二府之一新恭惟某官  
負宇宙之名凜霜日之節其言議可以暴之當世其忠實可以  
對越上蒼朝家關係以重輕海內想望其出處天留之以啟諸  
老帝待之尤異群公屬者邊庭繹騷廟謨杓鑿方將強本收千  
里折衝制難之功是必改圖自一堂聚精會神而始決于夢卜  
付以機衡必調膠絃必鑿覆轍必開景運以弭厄數必實元氣  
以禦外邪毋使淮南論漢廷公卿如發蒙耳矣將見魏人謂江  
東將相豈下人者哉遂踐台司永扶皇極某頃繇庸品驟齒名  
流叔厚排秦丞相之深欲聲其罪子開坐蔡新州而去乃被此  
名孤聖至之曉知辱明公之汲引然猶聽辭熊軾進直義圖垂  
魚擁笏以娛親殺馬毀車而佚老非管仲將左衽被髮舉世所  
憂使快輩得長衣清談繫誰之賜

除祕撰閣憲謝丞相

白髮奉親安於綿隱皇華遣使榮甚繡行向非大臣之育材誰  
念小人之有母強顏承乏稽首歸恩伏念某屬者重來出於屢  
薦由任子錫科第若隆典寵務觀之時不旬月掌贊書用元祐  
待坡翁之事僕無他謬巧以速化公有大力量以曲成方舉國



勇於去去而當寧聽其謝事詞臣援綦叔厚請暴揚老檜之奸  
言者疑曾子開無忿嫉新州之意孤明主殊常之遇累師臣平  
昔之知一自退藏數為啟擬靈均去國主煩上帝之下招禹錫  
得州難強大人而俱往遂進陰名於中祕就陳臬事於外臺庭  
闡喜而加餐鄉井詭為創見叱馭為忠臣回車為孝子慨兩全  
之實難按事者刺史飲酒者故人要並行而不悖服勞伊始辱  
命是憂茲益伏遇某官赤鳥之歸方新緇衣之好逾篤溫公除  
吏莫榮子駿京東之行文正憐才不奪大年陽翟之志恩侔卯  
翼報蔑毫釐某敢不采問風謠平反幽枉論指蜀道素鄙相如  
之誇回首渭濱不無杜老之戀

謝三府

既還親舍綵戲甚歡就建臬臺繡行尤寵初服勞於原隰首叙  
尸於欽翹伏念某拔起諸生遭逢明主賜梅聖俞王平甫以科  
第號為異恩擢王嘉叟韓無咎於掖垣出於獨銜每因晏見必  
竭愚忠及頌鬼質之除書屢獻瞽言而駁議衆女謠詠孰知賤  
妾之心天王聖明卒赦累臣之罪親年逾耄官意漸闌辭予環  
恐有後至之誅叨剖符又無俱往之理敢圖廊廟察王陽畏九  
折之塗不出里閭俾相如馳四乘之傳吏民除道賓客滿門足  
展丈夫之榮可謂書生之遇方將教萬世為人子者豈曰使四  
方無僕輩乎茲益伏遇某官懷仁義以敬王躬勞謙而下士興

念萍蓬之跡方為菽水之謀乃命孺文按事而稱刺史庶令夢  
得有辭以白大人雖竊便安未知報効某敢不博詢粵俗恪布  
漢條露綬而歸會稽陋買臣之得志攬轡而清冀郤希孟博之  
餘風

謝侍從給舍

綵服承顏便於晨省綉衣將指華以畫行繫遠士之超踰由近  
臣之吹送伏念某頃趨嚴召誤簡聖衷稱獎形於克言選擢出  
於義畫謂德裕少而力學不試有司謂仲舒文有古風最宜為  
誥偶逢明主之前席敢着時賢之先鞭每侍華光畢陳芹曝但  
求事濟奚必人知括李大臨宋敏求所見而爭上為反汗被魯

子開彭器資之名而去誰與辨誣亦既退藏數蒙記憶維身有  
驅馳之志然親臨喜懼之年尚察至情就膺隆委終南別墅免  
違神母之訓言長樂安輿遂用蔡公之故事自謀不過如此何  
德可以堪之茲益伏遇某官筆橐之班已穹車笠之情未改念  
王陽畏九折阪出於真誠使相如乘駟馬車極其尊寵榮親則  
可稱職實難某敢不圖報恩私益肩忠孝咨陬而獲五善躬原  
隰之微勞平反所活幾人奉庭闈之一笑

後村居士集卷第二十九

樂語

上梁文

雜啟附

宴張都承樂語袁州

曹裝已戒方趨文德之衙韋戟初臨適在高陽之里屈軒車之  
貴重侍杖屨之從容恭惟某官龍章鳳姿金聲玉振策名四紀  
僅存下國之靈光被遇兩朝俱侍虛皇之香案舉世莫磷緇於  
大節後生皆師仰其餘風幼安似非晉人魏人微仲不入洛黨  
蜀黨當宁獨知其素守追鋒趣覲於清光維弗忘魏闕之心獨  
未起東山之卧固知夫子薄萬鍾五鼎之榮其柰都人望一馬  
二童之至上方渴想公旬徐驅我知郡編修吏部頃幸識荆蜀



未剖竹過楊雄之宅將質群疑避齊相之堂冀聞片語爰舉宴  
嘉賓之典况當修禊事之辰折花以當酒籌攀柳以留行色掣  
鈴郡閤獲陪揮麈之清談秉筆中書應許飛鳥之反哺某等敢  
颺口號上繫台顏

紫橐相將入帝京朱幡邂逅此逢迎恭桑深得詩人意拔薤寧  
希健吏名麻卷明朝文德殿深衣幾載洛陽城祝公早畫安邊  
策却致諸生起太平

宴前湖南趙帥樂語

撤山前之薇戍方卷捷旗訪江上之棠陰忽聞歸騎乃為薄具  
以屈高軒恭惟其官峻特而潔清沉潛而剛毅生長古靈之里

甚似前修從游勉齋之門見稱嫡子真吾徒之畏友亦近世之  
名卿清標洗五嶺之貪風妙算掃重湖之妖祲集衿佩於凋零  
之後多所講明營金湯於談笑之間一何神速方名垂於竹帛  
乃興動於林泉魯望江湖散人公雖甚適更生宗室遺老上必  
見思會有鋒車徑歸禁橐我知郡編脩吏部交游最早聚散靡  
常晚繼踵於前規復借光於鄰績暫駐函關之紫氣同凝燕寢  
之清香把酒而登雲山小休午暑聯鞍而游雪鼓尚約秋風輒  
以心聲寓於口號

長劍高冠有駭機平生受用一深衣鳶方跼水中墮鴻已冥  
冥天外飛離索畧憑危酒訴淹留却羨角巾歸祝公小住為佳

耳莫與江邊父老違

宴唐經畧樂語廣東

擁旄方面瞻統府之宏開易節嶺南屬外臺之初建敬陳燕衍  
屈致崇嚴恭惟某官直大以方知仁而勇殿中燈籠錦之疏千  
載如生博士內前行之詩四夷傳誦由國朝而屈指惟唐氏之  
有人頃膺六察之除奚啻百函之奏天子改容宰相待罪壯哉  
伏之言都人祖送畫工為圖賢矣拂衣之去方倚下流之飛  
輓俄移南國之麾幢以宋廣平鉄石之腸洗馬新息珠犀之謗  
儉甚乖崖之條褐蕭然清獻之琴龜坐令炎熱之區悉變清涼  
之境賜履至于海既憂顧之少寬介圭觀于王喜適歸之不遠

我某官昔叨未契今在下風憶李白於江東回頭久別訪安期  
於海上握手劇談非惟暢叙于交情亦以協全於王事况帳下  
之捷書踵至而山前之戍甲已歸細聽金縷之歌莫惜玉山之  
倒菜相巨杯之飲縱不能陪范公一筆之勾庶乎知免某等習  
優伶之小技覩賓主之交懽輒陳蕪音聊啟玉齒  
元戎建纛粵玉臺庶使新持漢節來一紀別俱無恙在二星聚  
豈偶然哉清風可使貪泉變老筆能驅瘴霧開祗恐仁皇思質  
肅日邊已有詔書催

宴新帥劉侍郎樂語

中軍謀元帥瞻牙纛之初臨皇華遣使臣屬軺車之再駕將交

懽於大閭爰盛啟於初筵恭惟某官清節致身丹心事主為諫  
官御史開陳累百奏之多於君子小人終始無一言之誤善類  
陰受其賜明主深知其忠及拜瑣扉垂登廊廟乃露章而勇去  
雖天語而莫留旅矢彤弓寄尚征於方伯腰刀帕首紛來謂之  
小侯教條清明鼓角謹亮龍戶馬人之相慶蠻烟瘴雨之一空  
鷄鷓去而蚌迴方共覩庶平之化鳳皇儀而獸舞行入慶喜起  
之歌我某官幸甚登門加之通譜彈冠魏闕舊陪簪盞之餘攬  
轡周原新托履封之內久矣雲泥之懸絕適茲嶺梅之重逢召  
鼓史以摛岑牟命佳人而憂鳴瑟反玷為兩君之好聊永今宵  
袞衣以上公而歸無忘此日某等俯陳蕪音上啟玉顏

帝城一別隔天涯邂逅轅門此建牙應是近臣勞侍從頓令遠  
使有光華他人豈得如同姓王事由來本一家却怕酒醒歸詔  
下賸燒銀燭照梅花

宴吉倅王質之樂語

瀛洲學士為江鄉半刺之行句曲山人惜親友中年之別將秣  
馬膏車而去矣乃殺鷄為黍以留之恭惟某官志節日烈而霜  
嚴文章水湧而山出聲名早著不數黃香之無馭科目小低猶  
歷杜牧之第五元化乎此五百年之間氣同輩立於九萬里之  
下風每以直道而事人未嘗曲學以阿世朱游折檻諸公慚請  
劍之言陽子哭廷千載壯裂麻之舉一葉身輕何去之勇六丁



力盡而挽不回有謫仙人駿馬名姬豪放之風無杜陵老殘杯  
冷炙悲辛之態仲卿妻安牛衣之儉起宗子真鳳毛之奇下而  
一障上而公卿會應入手微以諫官許以宰相尚且掉頭擁通  
德而著書命便了而沽酒農人歌陶秀實郵亭之曲好事給韓  
熙載夜宴之圖賀客盈門勸展驥而為別駕長官分席歎無雙  
而有監州想像醉翁澹菴之勁節高風收拾平園誠齋之殘篇斷藁  
覺此行之不惡然小住而亦佳方今圖回一新號召四出加璧  
而延故老將行申公之言前席而訪逐臣必奉賈生之對豈容  
州佐屢屈天仙况頭廳乃吾鄉兩相之迭為而鼻祖云異日二  
郎之必做閉門而投車轄莫惜盡歡籠街而築沙堤佇看大拜

風雲之會期月猶遲我崇禧吏部少同受業於河汾晚共尋盟  
於洛社辭暴公子之綉斧未敢披襟聽白司馬之琵琶何須掩  
袂素蒙鮑叔之知己詎忍卜商之離群肯願茅堂不嫌草具南  
轅北轍車輪慣見於別離東主西賓翰墨未妨於遊戲俯陳下  
俚仰獻初筵

去國還山忽十春看人着盡幾枰棋碧鷄金馬非吾事白鷺青  
原欠子書詩魯國兩生肯行否海濱二老莫來遲暮雲春樹嗟  
修阻得句從今舉向誰

上梁文

慈濟殿上梁文

兒郎偉叢祠草創合衆力而莫成寶殿翬飛不崇朝而立就大  
矣神君之福力卓哉太守之規模英顯忠惠侯道媿松喬術  
侔盧扁雖一旦蛻蟬而去方劑失傳然千年化鶴而歸神靈如  
在南通梅惠北暨福泉處、幡花家、香火眷言莆壤密介寶  
鄰夏有瘁春有瘳苟精祈而必應尸而祝社而稷亦報禮之宜  
然爰相近郊載規新廟為山一簣之終覆作舍三年而未成非  
遇偉人孰圓佳話我知郡某官視民苦樂如己休戚謂陰古泰  
和之時疢瘍間有而至人游息之地疵癘必無捐樽節之餘財  
建顯嚴之閔宇烏紗羽氅炯落月之照梁孔蓋翠衿乘回風而弭  
節非侈一時之輪奐永為千里之瞻依讀本草者證神農寧不

謂醫師之祖見甘棠而思召伯安敢忘牧守之賢遂為短歌聊  
舉修棟

兒郎偉拋梁東海色微茫戶牖中待取遠山供筆架從頭細記  
活人功兒郎偉拋梁西烏石崗邊有舊栖箇裏神通隨處現

丹瓢藥笈不須携兒郎偉拋梁南突兀方壺鎖翠嵐賣藥市  
中人不識壺公却恐是同參兒郎偉拋梁北使君此去朝京  
國祠傍古樹即甘棠留教父老他年憶兒郎偉拋梁上紛、  
薊幣祈靈旣炯然一片活人心此是神君無盡藏兒郎偉拋  
梁下澗蘋堪摘茅堪藉向來不作葦酒綠至今羞入雞豚社  
伏願上梁之後民無夭闕神有憑依添葉青藜普授衛生之訣



黃蕉卅荔常歌侑饗之詩

建陽縣西齋上梁文

紹興中寅溫陵儲用劄東偏淳熙癸卯三山黃謨劄西偏

儲令之高樓百尺煥若更新黃侯之老屋三間禦馬將壓曾是  
翬飛之觀出於輟涸之餘西齋主人少慕終華晚趨平實有農  
拾穗薦書豐稔之祥無吏詒租常負催科之歎幸而離舟相尾  
沸鼎稍涼乃即西偏別規便座屏庭中之械索陳几上之圖書  
藝菊盈坡種花成徑雖非子賤聊自託於鳴琴倘有澹臺又何  
妨於入室然節用愛人未之能盡勞民奉已寧免有慚庶退食  
在公之餘思及躬補過之義提短檠照細字老矣安能命中車  
掉孤舟歸哉未晚乃為已唱以相梓人

拋梁東縹緲闌干在半空收拾半生湖海氣行藏都付倚樓中  
拋梁西稽首文公有舊栖雲谷已無人識路泉荒木老暮猿啼  
拋梁南白首銖、較米監却笑晉人無檢束唾壺塵尾事清談  
拋梁北、山翁肯留真蹟跨凌顛籀掩斯冰自有蒼生無此策  
拋梁上日擬安輿來就養青山盡處白雲飛千迴百匝憑高望  
拋梁下經誦琅、喧子舍未應當食嘆無魚且可劬書如嗜炙  
伏願上梁之後苟有苟完爰居爰處戶無夜閉簾有晝垂我思  
古人去常如於至日後之君子當有感於斯文

徐潭草堂上梁文

兒郎偃伏以作蚤前以自纏何時而竟營菟裘而將老此事已



遲爰相近郊旋開別墅後村居士忤當權而久斥逢更化之持  
招下惟生緩而迂莫仰禪於顧問中書君老而禿終不任於使  
令呼來虛霑綾餅餽之恩歸去未有土饅頭之地空蘇學士竹  
筒之積糶徐得先輩草堂之遺基所謂樂哉斯丘豈必懷乎故  
宇方栢司馬石擲則甚陋視楊王孫裸葬則已奢凹凸勢殊經  
營而為臺沼綢繆力盡拮据以有室家驅出寢內散花之人延  
入門前問字之客香芹羨鮮鮑鱠享貧者之八珍長柄塵短輶  
車備閑人之九錫免范蔡抗吭而奪與稽阮把臂而遊命乃在  
天死便埋我暮年窮巷何妨廷尉之張羅他日荒阡不願曹瞞  
之瀝酒遂為巴唱以相郢斤

兒郎偉拋梁東夢覺東華杲日紅却憶細旃開卷處邇英今在  
九霄中 兒郎偉拋梁西 掖西崑有瀟樓誰道相如堪視草  
寄聲太乙莫燃藜 兒郎偉拋梁南王謝爭墩未免貪門外釣  
磯今屬我先生只喚作徐潭 兒郎偉拋梁北塞垣未得新消  
息欲隨飛將去防秋白髮老翁難荷戟 兒郎偉拋梁上絕頂  
古榕高十丈飛來衆鳥有依栖挽致萬牛無力量 兒郎偉拋  
梁下一曲清溪帶茅舍薄命休嗟奪鳳池寬恩尚許同鷗社  
伏願上梁之後息念彈冠終身扇枕肩負季路之米手種邵平  
之瓜觀書之眼復明登山之力常健於斯歌於斯哭勿違前哲  
之言全而生全而歸不辱先人之訓

雜啟

荅湯伯紀論四六

伏承枉教過許僂文深惟空疎不稱提獎以至切磋之論尤明  
愛助之心念昔宦游猥塵賓佐當揮羽流星之交至多據鞍橫  
槩而立成蓋卒然供記室之求非以此為名家之製亦有偶誦  
文而着價未識面而露章以慕僚而施諸府公以門生而用之  
座主呼君房以足下既難學子陵之高叱桓公為老兵安敢效  
孟嘉之醉故於酬荅之際未免抑揚其詞然而博觀陳編頗見  
前輩于頤健將退之擬所作於商周嚴武粗才子美方其賢於  
顏賈或以為窺濤海而悸慄或以為擊雪山之重輕若乃庠陵  
之於文僖眉山之於安道皆以從游之舊每形推許之間曷嘗  
為文字之瑕疵適足見風流之篤厚顧如執事方負軼材小欲  
聘落霞孤鶩之詞大欲秉檢玉泥金之筆務為高簡恐貽賣菜  
之嘲盡黜菁華似匪梨花之體誠願於俊壯雄深之外加委蛇  
曲折之功出之無窮讀者不駭大慚謂之大好每觀舊作而忸  
怩小人可以小知烏覩斯文之鉅麗方將廣吾子之意聊以發  
老生所懷斐然有云亮之而已

回湯仲能撫屬

光奉贊書來參婉畫我公始至方招温石之流北士肯來徑處  
鄒枚之右輒脩短記徃侯先驅恭惟某官性極高明行尤峻潔



群謝諸王之外誠家世之鮮傳二蘇三孔以來後弟兄之競集  
頃俾大使出護陪京方觀要路之登忽勇急流之退雖入山被  
謗幾不調者十年然飲水著書亦足傳於千載茲改調於琴瑟  
果來赴於弓旌側聞公朝屬意人物方將命議郎而草新奏遣  
掌故而訪遺書何況元侯已召還於闕北豈容雅士尚留滯於  
周南其華髮漸多壯心都盡昔棄真如於苦李今留頗似於繫  
匏方喜論心竟成交臂嵇康性懶頗見索於報書司馬才高惜  
不觀於授簡

回京尹

某恭審妙選名卿直行大尹權尊任寵固先彈壓之威物貴幣

輕尤賴變通之術除書初播輿望交歸某深喜微蹤密依巨庇  
昔嘗捧刺繼辱貽牋問馬及牛共仰神明之見騎驢衝節竊欣  
禮數之寬

回游提刑入國門

某恭審顯膺嚴召趣覲清光龍吻九淵昔批鱗而引去鳳翔千  
仞今覽德以來儀端士進為輿人相慶某服膺已久識面未諧  
仰李渤如景星行將快覩挹瀘溪之霽月願聽雅言

回馬揖授贈

居洛去官二十年不記班荆之雅自郢及我九百里忽蒙委刺  
之勤信哉奇男子之為念此舊長官之老伏惟其人鄉推秀孝



家有父師大冢紬石室之書續成史記小亦給上方之札使賦  
尚林何挾才之尤高而行路之甚左客車都甚富明珠拱壁之  
投田舍蕭然闕白飯青芻之禮又緣衰病全廢應酬體羸不任  
於衣冠臂痛久踈於筆硯止于路宿莫陪長者之雅言送李愿  
歸空羨幽人之獨住

回涵頭鄭監鎮

為農去園林間方力於灌園有客過門松下忽驚於唱道箴明  
珠於袖裏飾斷木於溝中恭惟某官秀稟天台名傳谷口善言  
善行親從前輩以講明古貌古心不入時人之嗜好寥落三家  
之聚沉冥一世之豪微而蚤觸之爭大則虞芮之訟紛、求決

往、質成書判流行極東聊攝西姑尤之境、規模布置真右  
扶風左馮翊之才然君子之道中庸顧本朝之法嚴密姑平一  
闕即輅九遷其久去闕庭苟安田里未嘗射虎不煩霸陵尉之  
訶間或騎驢幸免華陰令之詰不圖髦士惠顧禿翁歌詩人伐  
木之章奉賢者班荆之語僂觀榮甚內省闕然署門而謝交情  
自慚廢退隔年而還詩債尚欠毫荒

回杜置制送 御書

某伏領台翰寵賜所刻宸翰二軸仰惟聖天子眷禮之隆固為  
鮮儂非大元帥功名之盛詎足以當坐令雪案螢窓之問恍如  
奎纏虹氣之屬光芒發越聞見傳夸某首誦睿謨窺先武十行

之妙徐觀跋語歎孔明二表之忠既盥手以瑤巖敬叩頭而推  
謝

謝黃慥制機惠文藁

某頃因行後辱貺巨編及歸道於樵川遂滿裝於漁艇豈謂篇  
師失手水恠垂涎斗氣頓收莫測延平之劍化夜光下燭始驚  
合浦之珠還然某藻思久衰匱歲惟謹吟離騷於澤畔方抱幽  
憂誦子虛於上前愧無氣力姑憑惡札少見謝忱

太夫人生日回張知軍

累世通家晚竊左符之庇小人有母適當初度之辰辱熊軾之  
臨門驚驪珠之出袖鏗錡古調獎飾哀宗恭惟某官才擅風騷

治先教化謂錫類乃邦君之盛舉而榮親亦人子之至情竹裏  
行厨非兒童之慣見花間艷曲俄士女之競傳居然改千里之  
觀瞻何止示一門之光寵某方遵慈訓共歸綿上之耕第愧但  
音莫和郢中之唱

太夫人生日回張知軍

蒼顏華髮屬親聞喜懼之年白雪陽春辱地主寵嘉之語家庭  
動色州里傳誇恭惟某官治行著聞文辭軼出每篤賢之禮  
尤推老之心依滕文公而為氓得其栖托念穎封人之有母  
厚矣撫存揮掃雅詞光華誕節乃若盛儀之過映揆於愚分而  
未安竊思舍熊取魚之言併援受羨反錦之義固慚方命必諒

由裘被之絃歌雖之家姬之唱寫諸琬琰永為樂府之傳

回袁州通判壽詩

出守一麾無復青綾之夢揆予初度辱貽黃絹之辭恭惟某官  
善與人交譬猶吾味爰有壽域之祝用為枯槁之華某千里顧  
雲兼旬勒雨目斷庭闈之定省耳聞田里之歎愁方切隱憂敢  
當善頌男子生桑弧蓬矢自笑早衰美人贈錦段琅玕詎容虛  
受

回宜春方宰壽詩

華髮陳人不記始生之日色絲幼婦忽貽絕妙之辭恭惟某官  
誼篤同寅情忘泛愛贈以柏梁之作祝其樽櫟之年設蓬矢以

懸門愧非盛壯卷錦鯨而還客心始和平

生日答張守

退士無聞已具禿翁之態賢侯念舊忽貽幼婦之詞禮越等夷  
先生寂寞恭惟某官蟠胸萬卷落筆千言畫隼朱旛雖深居於  
鈴閣桑弧蓬矢猶下軫於茅簷錫寡和之名章責早衰之陋質  
傳孝同志永為墨客之榮慎恨貧家未有雪兒之唱

答方蒙仲

天生我辰安在自憐半世之窮歲既晏晚華予獨荷故人之意  
過形絕唱俯逮哀蹤恭惟某人交誼歲寒毫端春麗朱絃綠綺  
無胡部之哇淫黃絹色絲有漢人之風骨念茲初度遺以好歌



雖家乏春鶯能轉繞梁之調然門堪羅雀足華環堵之居矧其  
盛禮之匪頌尤極懦衰之感慨所為推謝悉佇晤言

答王實之

青雲失脚誰招逐客之魂白雪新腔忽枉謫仙之作夫何哀颯  
獲此瑰竒恭惟某官吾道宗盟斯文元氣批龍鱗探龍領蓋嘗  
犯明主之顏持虎頭編虎鬚每欲唾貴臣之面雖忘情於當世  
尚興念於故人贈我好歌華其初度覺樽壘之動色顧孤矢而  
有光誦烏石崗邊之詩宰相尋於此日陪天津橋上之集尚無  
棄於異時

荅方德潤古史

流年腕晚和南山種豆之歌妙語吹噓出西掖判花之手里門  
傳誦泉石生光恭惟某官今之名流古之遺直上坡建白可居  
慶曆四諫官之間後省留黃不在熙寧三舍人之下棄美官如  
敝屣等外物於浮雲獨君父之寸心與友朋之一念綢繆愈篤  
造次不忘似憐掃軌之餘適屆懸弧之旦管仲鮑叔早已論交  
老子韓非晚仍同傳欲其久活獎以名言至於臺餽之過豐甚  
矣村居之改觀某敢不呼童烹雁携酒與魚慶老樺之檀藥約  
親朋而破費人生之樂孰與此多誦烏石崗邊之詩宰相尋於  
此日陪天津橋畔之集尚勿棄於異時

回張使君

蓬矢六懸自歎栖遲之跡草廬三顧辱昭幼眇之音異哉以甕  
牖圭竇乏人得此於蓬萊道山之彥恭惟某官毫端泉湧骨次  
冰清鯨吞鰲作之文豈惟一集鳳髓龍筋之判動輒千言顧如  
下客之始生亦被賢侯之雅製玉盤洗金鞍簇既勞動於行厨  
銀筆述雪兒歌復流傳於樂府殆似奏韶鈞以破蟋蟀又如列  
鐘鼓以享鷄鷩邦域爭誇林泉改觀某心雖絕感顏不勝慚平  
子錯刀莫報美人之贈鄴侯牙軸永為耒耜之藏

回顧知縣

掃軌摧藏不記始生之日扣門剝啄忽貽寡和之章青眼未忘  
白頭增氣茲益某官誼堅金石文叶咸韶念三仕三已之餘不

能枉道謂一貴一賤之際乃驗交情陳美錦於篚籩傾瓊瑰於  
懷袖煌煌織翠之段非野老之敢留累貫珠之歌乏雪兒之  
能唱所為摧謝未可立談

回成丞

退士杜門無復男子桑弧之志故人馳驛忽貽外孫蘆白之詞  
盛意殷勤哀縱榮耀伏惟某官深懷和璧早擅蜀珍卿雲黼黻  
之文衆推藻麗陳雷膠漆之義一洗炎涼鏘然宮羽之在縣爛  
若玄黃之實篚欲拜大惠似傷小慮懼鯨錦之不祥卷而還客  
貪驪珠之無價瑤以藏家

後村居士集卷第三十

疏

啟建天基節疏以下密院

秦臘椒臨將及春回之候夏正甫建有開震出之祥敢傾葵藿  
之心仰祝椿松之萼伏願 皇帝陛下壽齊箕翼福等同陵崑  
丘王母之桃靡煩來獻海上安期之棗不必遠求

滿散疏

春王正月方欣木德之回天子萬年式慶蘿圖之永罄輿情之  
懽抃祝睿筭之延洪伏願 皇帝陛下如日之升體乾之健  
人為酒告農扈之屢豐都護奉觴喜邊烽之早息



進功德疏

昊蒼眷命聿開王者之興臣子愛君均願聖人之壽輒憑善頌  
仰贊修齡恭惟皇帝陛下保大定功無為共已大德者名位  
必得光紹鴻圖善治者福祿日來駢臻景貺

啟黃籙醮疏 以下袁州七首

地方千里忝為長吏以分憂帝監四方敬為齊民而請命瞻言  
斯土粵自比年繭絲哀歛之餘里閭愁歎羽檄征求之廣郡邑  
空虛顧剖竹之非才凜包桑之是慮茲以農時告急衡夏初臨  
欲令蚕麥之宜全賴雨暘之若仰祈穹昊俯念蒼黔感召豐登  
之祥拔除乖螫之氣詠京城之積冀保秋成薦沼沚之毛尚期

歲晚

謝晴疏

民力農桑方患積陰之沴吏憂蚕麥願開霽色之祥鄉燎方騰  
氛霾已豁敬羞蘋薦少寓菲忱閉陰縱陽尚有所祈於終惠割雲  
縑雪庶無廢於前功

祈雨疏

天瓢下注僅施破塊之功火傘高張未改望霓之意輒伸微悃  
冀續前功伏願念民作勞恕吏亡狀時方多事豈容旱魃之災  
歲有大年庶保農夫之慶

再祈雨疏

穡寶垂成預喜千倉之積甌金為崇深虞一簣之虧豈上澤滯  
壅而不流故天譴示而未已恭願矜民凋瘵憫物焦卷收火傘  
於層空一清濁暑翻天歌于四野沆保豐年

迎仰山四聖祈雨疏

耘耔力勞田共憂於龜坼神通功大淵能起於龍潛粵從春夏  
以來方幸雨暘以若三農相慶一稔可期甫涉初秋頗愆甘霽  
某昔無吏責此心尚願於豐年今忝郡符詎意親逢于旱歲于  
里但聞於愁歎一身如處於焚煖輒懇惻而有求仰威靈之如  
在恭願鑒其丹赤哀此蒼黔雲密自郊一洗屯膏之意月離於  
畢早符喜雨之占

送仰山四聖回殿疏

彤鬻下臨俯鑒避堂之敬滂沱隨至暫寬守土之憂益知仙聖  
之神通敬率吏民而餞送然以四封之廣僅沾一溉之餘倘少  
廢前功寧不嗟於虧篲如大蘇衆望尚有冀于翻盆

再祈雨疏

萬千里之地所望有秋七八月之間豈容久旱倘天意尚慳於  
嘉應則歲功將敗於垂成恭願驅斥魃妖憫憐農務則苗稿矣  
深懷無及之憂以雨潤之庶拜有終之惠

安奉玉淵聖水疏文 以下江東三首

大田多稼將立見於焦枯九淵潛鱗忍未施於涓滴詣名山而



虔請即靈瑣以精祈伏願憫旱魃之流行奮泥蟠而变化自膚  
寸雲而起俄滿太空以一勺水之多溥周大地

永寧寺祈雨疏文

七月流火不勝亢烈之憂三日為霖未慰滂沱之願茲精意亦  
勤于祈禱何神機尚闕于杳冥伏願隨念感通乘時變化沛然  
下雨倘獲救于槁苗乃亦有秋庶無孤于力穡

謝送玉淵龍潭聖水疏文

一勺之水不測而龍生焉七月之雨沛然則苗興矣頓解群情  
之煩鬱孰知妙用之神通乃即招提敬陳梵唄然四境暫蘇於  
轍涸頷三農尚恐於簣虧寶穡得秋方屬收成之際靈湫奮蟄

時霑膏潤之恩

青詞

袁州入宅青詞

忝牧民之重寄朝命雖榮遠將母之初心宦游奚樂潔蠲公宇  
熏祓醮筵將祈千里之蒙庥豈特一家之徼福伏願鑒臨悃悞  
界錫福祥田里相孚聲永銷於愁歎庭闈雖遠書常報於平安

廣東倉入宅青詞

起家一出甚矣勞生乘傳載馳幸而善達輒陳悃素冒叩昊蒼  
伏念某久分退藏忽叨臨遣白頭慈母老恋家山黃叻小兒疾  
留道路雖百指擅藥而亡恙然寸心隕獲而靡寧茲選剛辰將



趨公宇爰舉祓除之典冀垂覆幬之仁共願憫此艱勤錫之福  
順新書方急若為寬比屋之歎愁舊學云何豈在全家之飽暖  
誓殫薄力仰答厚恩

新居設醮青詞

女笄男弁頗驚碎累之多考室子堂聊廣先人之舊落成之日  
徼福於天伏念臣嶺海脫身家山屏跡昔存蝸舍初蔽於風雨  
今若蜂房各開於戶牖即東偏之隙地闢小築之數間雖云練  
時日之吉良尚恐犯方隅之禁忌屬孟冬之叶卜命二息以奠  
居上以奉庭闈之清溫下以帥閨門之雍睦非叩闥而默禱豈  
闔室之敢寧伏願憫此艱勤遂其安逸苟完苟美師先哲之格

言乃寢乃興符占人之吉夢

江東憲入宅青詞

重趼而來頗厭舟車之後息肩云始方知棟宇之安敬練剛辰  
俯陳卑悃伏念臣退藏不密浪出有慚將毋晨昏既違此志全  
家飽暖亦獨何心况以諸生力量之輕任茲一道耳目之寄何  
以慰士民之望何以報君親之恩屬當臨蒞之初爰舉祓除之  
典伏願辦香上格飈馭下臨援臣孤危之蹤開臣平反之智獄  
無冤氣不致干陰陽之和家有安書庶少寬溫清之念

陳氏女子保安青詞

女子有行遽遠慈侍婦人免乳實抱私憂伏念臣妾劉氏昨以

姪娘感於夢寐遠父母兄弟殆由驚噩而成禱上下神祇冀遂  
生全之望果蒙化育陰賜護持既無坐蓐之危復有抱維之慶  
敢羞菲薦不昧初心伏願吉曜照臨戎躔消弭乃安筦筆聿開  
卜兆之祥言采蘋蘩益致壺儀之僅

袁州祈雨青詞

窮則呼天既禱祠之徧舉嗟而求雨庶號籲之上聞謹珥綠章  
冒陳丹悃伏念臣承流亡狀致旱有端戰兢兢甘一身之即  
謹炎赫顧千里之何辜或盈澮而復乾或閣雲而不下此  
念未通於幽顯何顏可見於吏民輒為四邑之生靈上訴九閻  
之主宰伏願曲垂帝鑒深憫輿情川澤氣升速覩翻瓢之快田

疇水足少休抱甕之勞

江東祈雨青詞

嗟我農夫苦亢陽之為沴惟皇上帝忍膏澤之尚屯俯陳怵惕  
之情仰噴穹窿之聽伏念臣自入疆而來訪知編戶之瘡痍數  
口之家鮮能宿飽一年之計尤仰早收方彌望以如雲忽兼旬  
而渴雨深恐子遺之黎庶不能自振於儉荒惟暑氣之蘊隆欲  
流金石彼原田之秀實將化莖荼列城若處於焚悵近境總蒙  
於霑灑倘愜後惠必廢前勞合一路之哀嗚叫九閻而上訴伏  
惟矜其誠至賜以感通若潤澤之敢不盡微臣之職俾滂沱矣  
庶幾全大造之功



太淑人保安青詞 庚寅

小人有母一疾甚危皇天無親至誠可感仰戴生全之造俯陳  
喜懼之情伏念臣等母淑人林氏晚晚年齡沉綿春夏醫師迭  
試莫知補瀉方之兒女滿前忍見呻吟之狀遂於中夜密禱上  
穹願減微臣之年以延慈母之筭寸忱既徹諸苦頓輕然餘恙  
未之盡平願大恩無以少報敬羞菲薦推謝高真恭願吉曜臨  
身灾躔退舍蠲除熱惱不煩藥石之功降錫福祥永保標榜之  
壽

太淑人生日青詞 己丑

桑榆迫暮深羨於久生蒲柳望秋不期而先悴輒陳卑悃冒瀆

高穹伏念臣妾坎壈百罹侵尋七秩雖筋骸無恙尚可支吾然  
歲月如流不堪把玩敬因初度式按真科伏願颺馭下臨辦香  
上格循蘭陔之養永遂團栞保社標之年終逃天伐

太淑人生日青詞 庚寅

我生之初恍如宿昔年運而往寢迫暮遲伏念臣妾累月呻吟  
闔門驚悚訪醫問卜慄乎性命之憂起死回骸大矣乾坤之德  
茲逢誕日謹按真科庶憑方寸之微忱少答再生之洪造恭願  
坎離交濟火宇退躔雖及老既衰非復強盛之日然踰七望八  
冀延耄耋之期

太淑人生日青詞 辛卯



質如蒲柳甚矣易衰年在桑榆慄乎可懼乃即始生之日輒伸  
善禱之情伏念臣妾少頗艱勤晚尤澹泊身多灾疾豈能無性  
命之憂家素清貧未免有見孫之念倘不皈依於大造若何全  
護於餘齡伏願鑒此精誠錫之壽嘏懷鍼索艾不勞方劑之施  
戲綵含飴永保團樂之樂

太淑人生日青詞癸巳

數平生之善未有纖毫過本命之年又踰一紀茲載臨於誕日  
輒默禱於高穹伏念臣妾久矣厄殘偶然老壽諸兒無似俱忝  
宦游薄業不多屢逢歲稔未及祈禳而灾退靡煩湯熨而疾平  
適當裡祀之年將竊郡封之寵非元化始生之妙何暮齡僥倖  
之多敬瀝微誠仰干慈造恭願蠲其美疾介以嘉祥疏湯沐之  
新封已漸稀濶微桑榆之晚福更既期頤

太夫人生日青詞戊戌

暮景婆婆譬櫟樗之無用上穹高邈幸蘋藻之可羞伏念臣妾  
叢尔餘生履茲初度歲年冉冉曾無卻老之方見草駸々寢有  
惡盈之懼倘匪自天之保佑曷迺過隙之光陰伏願介以壽臧  
原其灾厄金篦刮翳令舊觀之復還石窞疏恩冀新封之屢啟

太夫人生日青詞己亥

年既遲暮屆始生而有感天雖高邈幸一念之可通伏念臣妾  
八褻侵尋一門忝竊無關心之藥裹有繞膝之斑衣茲逢裡祀

之期將啟國封之寵曰貴曰壽覺取數之過多欲安欲生豈常情之能免爰齋心於誕日敬稽首於高穹恭願降錫福祥蠲除灾厄旨甘無闕永相保於蘭陔瞻視復明初不煩於菊枕

太夫人生日青詞 庠子

皓首衰頽幸棲身於田里丹誠懇切冀駐景於崦嵫伏念臣妾八秩平頭一生多病老而及耄未逢刮膜之方子且生孫粗有含飴之樂郡國三疏於湯沐家庭並列於節旄積茲僥倖之多慄若滿盈之懼敬因誕日輒敢籲天伏願鑒此微忱錫之晚福一家仁遜勿隳先世之風百歲期願克享天年之壽

太夫人生日青詞 辛丑

人羨久生願餘齡而自慨天無私覆然善願之必從伏念臣妾早染世塵晚耽禪悅駸匕大耋久不出於鄉閭碌匕諸兒粗能當於門戶旨甘無闕湯熨少停人已為衰老之榮已則有滿盈之懼茲因誕日敬叩高穹伏願鑒此精虔畀之壽嘏大國賜湯沐竊冀新恩百年日期頤庶延暮景

福國生日青詞

歲華已晚不勝喜懼之情天聽甚早輒瀝精誠之禱伏念臣妾頽然衰景屆此始生雖瞻視之逾昏尚筋骸之可勉老者祝哽祝噎粗適旨甘常情欲安欲生矧侵耄耄敬憑綠奏輒瀝丹忱伏念矜此餘齡錫之晚福斑衣雜遝清溫相踵於高堂錦誥便



蕃湯沐更封于大國

福國生日青詞 癸卯

晚晚餘齡幾於耄及精虔一念可以上通伏念臣妾自顧早衰  
偶叨暮福八袞加三之老眠食粗寧一門取數之多滿盈是戒  
諸息承顏而定省重孫統膝而團樂人所共榮妾常深懼衣褐  
屬臨于初度辦香敢昧于真依天道益謙願勿隳於孝謹人情  
欲壽庶獲保於期頤

福國生日青詞 甲辰

人羨久生氣已衰而將竭天無私覆誠之至者必通伏念臣妾  
取數過多踰八望九昏定晨省雖云子職之共日徃月來不覺  
耄期之及刮膜之方難過洩血之恙甫瘳未能性悟而理融常  
恐灾生而福過乃齋心於誕日敬請命於上穹蒲柳望秋敢保  
凋零之質桑榆逐煖庶延晬晚之齡

福國生日青詞 乙巳

人情欲安矧顏齡之寢迫天道善應冀精禱之上通伏念臣妾  
猥以衰孱安於寂寞擁旄持節及觀兒輩之榮衣楊弄璋頻見  
孫曾之慶然而光陰晚矣疾病半之昨洩血之失常覺殘骸之  
幾殆幸而平復若有護持茲復屆於誕辰敢啟誠于洪造伏願  
灾躔屏退吉曜照臨酌彼澗蘋聊薦至微之意譬諸社稷庶全  
無用之年



魏國生日青詞 丙午

春秋之高一則以懼天地之大感而遂通伏念臣妾迫桑榆之  
衰年進湯沐于大國日尤昏瞽殆顏色之不分身賴扶持亦筋  
骸之非昔比因疾厄深切戰兢亟祈叩於上蒼荷保全其餘景  
然一門盈滿之當戒矧二息宦游而未歸不勝舐犢之懷冀從  
反哺之請茲臨初度敢昧真依欲望鑒其血忱介以眉壽味五  
福攸好德之訓佩服勿忘稽九十不從政之文檀樂相保

魏國生日青詞 丁未

壽鄰大耋驚心歲月之深病惜餘生托命乾坤之大伏念臣妾  
猥以弱質享茲高齡雖五疏湯沐之封然一守清白之訓筋骸

返少曾無南嶽之方瞻視全昏矧有西河之哭懼門戶之衰冷念  
子孫之衆多固已衰頹未忘貧愛屬皇覽初度之旦誦自求多  
福之言薦澗濱之蘋蘩冀垂穹聽譬道傍之樗櫟永遁天刑

魏國生日青詞 戊申

大耋年高但覺光陰之速再生恩大迄臻疾疢之平伏念臣妾  
久矣瘡殘加之滯下衣裳顛倒呻吟至於累旬粥藥扶持性命  
危於一髮慄見曹之憂懼荷造物之哀憐參朮收功桑榆駐景  
然湯熨尚煩於調燮而疴羸未易以盛強思奮起於沉疴敬重  
修于初度伏願袪除諸苦迓續修齡字尾火頭一洗星躔之厄  
原高隄下共榮晝繡之行

保安青詞 丁未

戶門災厄嘗抱憂危天地施生迄蒙全護乃重一瓣仰答九闈  
伏念臣累召造朝一擠去國道聞仲氏疾遽主於淪亡堂有老  
人懼下堪於悲惱呼天密禱窮日疾馳吹簫已隔於怡愉擁笏  
獲躬於定省脫仕路風波之險惡遂家庭朝夕之檀藥靜言思  
之亦云幸矣然而親既踰耄體多不安誰無欲生欲安之情矧  
迫一喜一懼之際敬因醮謝復有懇祈伏願臣母魏國太夫人  
林氏火亨順行坎離相濟孫曹長茂足為晚暮之娛醫卜屏除  
永保康寧之福

魏國追薦工部弟青詞

幽明異趣然可以感通母子至情未忘於顧復俯仰蘋薦仰徽  
藥章伏念臣妻次男某昨者力解麾符退安水菽中歲享垂魚  
之樂方愜素懷高年抱舐犢之悲忽成永訣百指之孤嫠奚托一  
生之慈孝難忘閔決旬之屢更叩天闈而上訴伏願離諸業障  
乘此津梁脫鬼趣之沉淪庶蒿愴悽譬道家之解化來往逍遙

追薦工部弟青詞

少小相從尚記吹簫之樂幽明永隔可勝摘蔓之悲輒班綠章  
仰干蒼昊伏念臣亡仲弟某早嘗艱阻晚致顯榮持節擁麾因  
勤官而得疾上書歸印願奉母以終身方將躬晨昏扇枕之勞  
踐疇昔對床之約云何奇禍遽隕壯圖上靡頤九袞之老人下



不念一房之孤寡手足之情雖切毫髮之力安施僅有追嚴少  
伸哀懇伏願拔於大夜秉此罡風死生豈不痛哉孰窮變滅魂  
氣無不之也冀免沉淪

代追薦工部青詞二首

切而無父豈勝孤露之悲窮則呼天蓋本焄蒿之意俯伸哀籲  
仰冒穹窿伏念臣先父昨解印符退依香火居常之絕獨忍半  
生之貧晚稍寬餘曾無一日之享始謂偶愆於賤理安知遂迫  
於膏肓而况重闈九齡一房百指聞者尚為之太息痛哉以此  
而安施未釋煩冤奄臨卒哭惟有精虔而上訴庶幾彤嚳之潛  
通伏願帝所鑒觀靈其來下脫離大幽之趣逍遙元氣之初維

往不復還象罔莫之能索然號之使復巫陽或者可招  
父慈罔極徒切於攀號道妙難名有資於解脫追惟嚴考奄棄  
中年歷官以來漫青綾之作夢厭世而去恐黑籍之挂名游陳  
蝼蟻之情沆戴鴻濛之造化橋穩度早離萬鬼之鄰故宇來歸  
永受六親之託

代作工部弟中祥青詞

伉儷遂睽永抱藁砧之恨焄蒿不遠奄臨鑽燧之期輒剖煩冤  
冒干真宰伏念臣妾故夫某已下從於窀穸靡返顧於孤嫠哭  
之如新孰云期可已矣望之弗至所以練而慨然虛結過去生  
之緣莫道未亡人之痛伏願矜憐號籲永超脫沉淪雖音容閔



乎重泉即之冥漠然精爽回乎長夜凜若生存惻尊幼之哀思  
為戶門之依托

戊申生日青詞

微軀幾殆未逢十全之醫一念默通盡出再生之造輒憑綠簡  
敬剖丹衷伏念臣晬晚餘齡沉綿累月受髮膚身體曾未報于  
劬勞禱上下神祇冀稍延於視息果臻勿藥之喜遽失采薪之  
憂深慙母子團圞之心不墜門戶付授之托向非元化安有殘  
生輒羞沼沚之毛少答乾坤之德伏願自今以始惟適之安夸  
詡俗情豈必買臣之繡燕娛親膝寧無萊子之衣

魏國九幽醮青詞

蘭陔罨酷可勝罔極之懷苦塊哀深冀動蓋高之聽凄其丹赤  
仰止穹蒼伏念臣等母魏國太夫人林氏幼歷阨艱早嬪隱約  
相先君子曷嘗動色於牛衣稱未亡人初豈有心於象服堅剛  
自守耄耄靡渝眼看子舍之顯榮手拊孫枝之長立久享重闈  
修髓之奉五啟大邦湯沐之封當其貴壽之時尤以滿盈為懼  
案惟梵卷筭止澣裳其訓儉每安半菽之供其戒殺恐傷一蟻  
之命筋力雖憊神明未衰自仲息之云俎覺歡悰之寢少屬黍  
鄉臬便私之命方為板輿就養之行云何沉痾遂至大故慘甚  
嚴霜之隕夏累然孤露之不天南陔白華之章從今已矣凱風  
寒泉之感何痛如之敢以煩寃形諸號籲伏望憫毀巢之禍察

叫閤之情拔大夜之沉淪秉剛風而解脫死者可作固無復生  
之期魂兮來歸儻有可招之理

代追薦工部弟大祥黃籙青詞二首

呼天靡及罔極奈何送父之終有時而既輒干洪造少滙丹忱  
伏念臣先父某一掩泉扃再周歲律檀弓既葬徒深望弗至之  
悲子夏已除猶有哀未忘之語痛心祥祭稽首道家廢幾百指  
孤嫠之情能動九閤主宰之聽伏願刊鄴都之籍收岱宗之魂  
或鬼趣未離幸早超於幽閤縱見曹無似竊有覲於顯揚

素冠終制未忘人子之悲寶籙煉魂有感道家之說欲伸餘慕  
僅有追嚴荷仙聖之證明憫孤嫠之號籲蠲其業障度彼仙橋

乘碧落之長風閱赤明之浩劫逍遙靈境離泉壤之幽陰庇壽  
後昆俾門閤之高大

魏國卒哭青詞二首

毀巢號咷尚未絕聲過隙光陰奄臨卒哭俯殫血悃仰噴蒼旻  
伏念臣先妣魏國捨此庭闈歸於宅兆既畢返而虞之禮愈深  
望弗至之悲斷機之訓徒存扇枕之事永已雖臣親之壽九秩  
夫復何言然人子之心百年猶以為短而况莫大乎死生之變  
難忘者願復之恩謂彭殤可齊豈枕塊之所忍道使曾閔復出  
非籲天無以洩哀矧如追嚴素所崇信痛逝者十旬之不返冀  
諸孤一念之上通伏願帝鑒觀而下臨靈續紛而來格刊其黑



籍尚何鬼趣之憂乘彼白雲有若道家之說  
命有所制莫駐於親年魂無不之卒憑于道力伏念臣先妣魏  
國奄成千古俄已十旬荷真宰之鑒臨憫衆雛之號籲考察平  
生之功行靡所欠虧證明未後之因緣超然解脫既注名於上  
界亦垂慶於後昆

代追薦魏迎羅漢疏

善女人過去生中尤精勤于釋典阿羅漢大神通力或游戲於  
塵寰爰集緇流敬修茗事伏念臣外姑魏國蚤全覺性偶應俗  
緣偏更晚歲之顯榮不改平生之澹泊盡空諸有龐媪曾去參  
來向上一機趙州六遭勘破高年鮮儷大數奄終感托女之恩

深念館甥之誼篤欲伸微報僅有追嚴尚望同發慈悲各施方  
便來飛金錫證明生滅之因去度石橋指點虛無之路

接茶疏

薤歌悽咽浮生如露之晞茗事莊嚴散聖乘雲而至憑茲妙果  
拔彼沉魂共携曹溪鉢來喫取趙州茶去一旗試水豈獨中濡  
之泉甘六椀通靈未覺五臺之路遠

卷之三十一

...

...

...

...

...

...

...

...

...





